


廣東通志

特別  
A5  
1508  
2



2

明  
字  
表  
ル  
5  
1508  
2

特

ル  
5  
1508  
2

廣東通志卷之三

藩省志三

事紀二

晉武帝太康元年春三月壬申晉伐吳克之廣州牧

滕脩赴援至巴丘聞吳亡偕刺史閻豐降晉書脩討郭馬未克

而王師伐吳脩率衆赴難至巴丘聞皓已降乃編素流涕而還與廣州刺史閻豐蒼梧太守王毅各送印

綬詔以脩爲安南將軍廣州牧持節都督如故封武當侯加鼓吹委以南方事夏四月遣燕侍中張側黃

門侍郎朱震分使楊粵慰其初附

太康二年冬滕脩大破郭馬廣州平晉書脩討南賊不能制陶



璜謂曰南岸仰吾鹽鐵斷勿與市皆壞為田器  
如此二年可一戰而滅也修從之至是果破賊詔定

兵防珠禁

晉書吳既平晉滅州郡兵冠軍將軍陶璜上疏曰交州荒裔斗絕一方臣昔所統之

卒本七千餘人南土溫濕多有氣毒加累年死亡滅耗過半廣州南岸周旋六千餘里不賓服者乃五萬餘戶水陸並通未宜約損以示單虛又合浦郡土地磽确無有田農百姓唯以採珠為業商賈去來以珠貨米而吳時珠禁甚嚴慮百姓私散好珠禁絕來去人以饑困又所調猥多限每不克今請上珠三分輸二次者輸一麤者蠲除自十月訖二月非復以滕脩採生珠之時聽商旅往來如舊上並從之

為廣州刺史○以始興郡屬廣州

晉志又改合浦屬國都尉立寧浦郡

太康八年春二月廣州大中正王範上交廣二州春

秋○冬十一月海安令蕭輔反州郡兵討平之

輔聚眾反

雷化騷動州郡兵討獲誅之海安今電白也

太康九年夏四月南海地震○廣州刺史滕脩卒

惠帝元康元年春正月以中庶子諸葛京為廣州刺

史

蜀志京丞相忠武侯亮之孫也父瞻兄尚鄧艾伐蜀時戰死山濤啓京補東宮舍人遷中庶子至是

除廣州刺史

夏五月熒惑入南斗

晉書占曰兵大起在吳越其後石冰寇揚州

元康九年冬十月以王毅為廣州刺史

晉書毅於吳為蒼梧太守

至是為刺史泄政練達甚得民情

永興二年冬十一月王毅卒

光熙元年春以襄城太守稽含為廣州刺史鎮南司

馬郭勣殺含于襄陽

晉書含字君道侍中紹從子為振威將軍從鎮南將軍劉弘於

襄陽王毅既卒弘表含為廣州刺史會弘卒時或欲畱含領荊州含性剛躁素與弘司馬郭勣有隙勣疑

含將為已害夜掩殺之

懷帝永嘉元年以始興郡屬湘州○以南平太守王

矩為廣州刺史

晉書矩毅之子為南平太守討石冰有功遷廣州刺史將赴職忽有人持

奏謁矩自云杜靈之矩問之荅稱天上京兆被召使君為主簿矩至州月餘卒

永嘉五年春蜀賊杜弼據湘州廣州刺史郭訥遣兵

擊之敗績

晉書蜀流人杜弼在湘州賊眾共推弼為廣州刺史郭訥遣始興太守嚴佐率眾兵討弼反為所敗會應詹上書請宥弼罪帝從之乃使前南海太

守王運受弼降  
宣詔赦其黨與

永嘉六年王澄將王機據廣州

晉書機故刺史毅子美姿儀倣儻有度量

澄雅知之以為成都內史會澄遇害就王敦求廣州敦不許會廣州人皆刺史郭訥迎機為刺史機將奴客門生千餘人遂入廣州部將温邵率眾迎機訥眾皆散乃握節避之機入城就訥求節訥嘆曰昔蘇武不與其節史為美談此天朝所假義不相與可自遣兵來取之機慚而止

愍帝建興三年春二月杜弼殺前南海太守王運秋

八月刺史陶侃擊弼平之

通鑑王敦遣陶侃等討弼

南海太守王運受弼降赦其反逆之罪以弼為監軍既既受命諸將猶攻之不已弼不勝憤怒遂殺運復反侃進兵破弼弼秋七月王敦徙陶侃為廣州刺史眾潰遁走道死

按晉書侃本傳云王敦嬖人錢鳳疾侃之功屢毀之侃詣敦自陳敦留不遣左轉廣州刺史以其從弟廙刺荆州將吏鄭攀等詣敦留侃不許衆情憤惋遂迎杜曾第五琦廙敦意攀等承侃風旨披甲持矛將殺侃出而復還者數四侃正色曰使君雄斷當裁天下何此不決乎因起如廁參軍梅陶言於敦曰周訪與侃親姻如左右手安有斷人左手而右手不發秋八月

廣州刺史陶侃討王機并温邵平之

晉書 郗珣王睿以王敦為鎮東

大將軍都督江揚荆湘交廣六州軍事時王機自以盜據廣州懼為敦所討乃更求交州任鬱林不得進於是機與杜弘温邵及交州秀才劉沉俱謀還據廣州陶侃至始興弘遣使偽降侃知其詐先於封口起發石車俄而弘率輕兵至知侃有備乃退侃追擊破之執劉沉於小桂斬之機遣牙門屈藍還州詐言增糧密招誘所部欲以拒侃侃即收藍斬之遣督護許高討機走之機病死于道斬首傳京師諸將皆請乘

勝擊温邵侃笑曰吾威名已著何事遣兵但一函紙自足耳於是下書諭之邵懼而走追獲於始興又斬之廣州冬江揚流民入廣州詔撫賑之交廣記 江揚

陳敏之亂民多流入廣州詔加存恤

元帝太興元年冬十月加廣州刺史陶侃平南將軍

通鑑 春正月丞相郗珣王睿統攝萬機晉王位大赦改元尋加陶侃平南將軍時匈奴劉聰稱漢帝陷沒長安上意欲振勵諸將以侃有功故有是命

永昌元年春王敦反廣州刺史陶侃遣參軍高寶討

之晉書 其卓移檄遠近陳王敦肆逆率所統致討遣參軍羅英至廣州與陶侃刻期陶侃得卓信即遣參軍高寶率兵北上詔以侃領湘州刺史

明帝大寧元年夏五月梁碩陷交州刺史王諒死之

通鑑王敦以王諒為交州刺史使殺新昌太守梁碩碩舉兵圍龍編侃遣兵救交州未至碩殺諒

六月廣州刺史侃遣叅軍高寶討梁碩斬之

通鑑梁州凶暴失衆心侃遣叅軍高寶攻碩斬之詔以侃領交州刺史進號征南大將軍開府儀同三司未幾吏部郎阮放求為交州刺史許之放行至寧浦遇高寶為寶設饌伏兵殺之寶兵擊放放走得免至州少時

大寧三年夏五月以陶侃為荊州刺史以王舒為廣

州刺史不拜六月徙為湘州以劉顛代之

晉書荊州刺史王舒平王敦逆黨詔以陶侃代舒以舒為安南將軍都督廣州諸軍事廣州刺史舒疾病不樂越嶺朝議亦以

舒有功不應遠出六月徙為湘州刺史以湘州刺史劉顛為平越中郎將代舒刺史廣州封王允

之為番禺縣侯

晉書允之舒子也初從伯父王導平番禺縣侯邑一千六百戶

成帝咸和元年分南海立東官郡

晉書東官郡治寶安今東莞也廣州刺史劉顛卒以阮孚代之孚未至鎮卒

晉書咸和初阮孚拜丹陽尹知亂作會廣州刺史劉顛卒遂苦求出乃除都督交廣寧三郡軍事廣州刺史未至鎮卒未幾蘇峻作逆識者以為知幾

咸和二年以都鄉侯庾冰為廣州刺史尋被徵還京

師晉書冰距峻別將張健於吳中擊敗之遣司馬滕含拔賊石頭城賊平加冰都督江荆寧益梁交廣

七州豫四郡諸軍事

咸和三年秋九月前交州刺史張璉據始興反進攻廣州鎮南司馬曾騶等擊破之

咸和四年春三月以陶侃都督交廣寧州諸軍事通鑑

侃討蘇峻至是論平峻功加都督封長沙郡公

咸和五年春二月太尉陶侃擒郭默於潯陽斬之按

書郭默矯詔襲殺平南將軍劉徽侃帥鄧徽等擒默於潯陽斬之

咸和五年夏六月以西陽太守鄧徽為廣州刺史晉書

蘇峻反寇京師陶侃使徽為前鋒帥兵救之從李陽斬峻賊黨立峻弟逸為帥徽復與滕含擊敗之六月

遷徽督交廣二州軍事建武將軍領平越中郎將廣州刺史假節封宜城伯

咸和九年夏六月太尉長沙郡公前廣州刺史陶侃

卒按晉書侃晚年深以滯盈自懼不預朝政丐休還長沙以薨謚曰桓

咸康二年冬十月刺史鄧徽遣督護王隨擊夜郎新

昌太守陶協擊興古並克之通鑑加徽督寧州置廣州月令

從事史

咸康五年春三月廣州刺史鄧徽伐蜀降其將霍彪

晉書李壽據蜀徽伐之蜀建寧人執壽將霍彪以降時東土多賊後百姓乃從海道入廣州徽大開鼓鑄諸夷由是

知造兵器



咸康八年刺史鄧嶽卒

穆帝永和元年春三月以庾蘊為廣州刺史晉書蘊司空水

之子儼節抵鎮貪鄙無度使工為象牙細筆計日考計不勝其苦廣民患之以廣州始興

屬義陽郡晉書分零陵郡立

永和四年秋七月交州刺史阮敷擊林邑破之通鑑林邑

寇九真殺士民殆盡桓温遣督護滕峻帥交廣兵擊之為所敗至是阮敷討之破五十餘壘

升平三年冬十月交州刺史温放之集兵至南海十

一月帥兵破林邑而還晉書放之始安公嶠之子也為給事黃門侍郎以貧求為

交州朝廷許之初林邑范文攻陷日南害太守夏侯覽以尸祭天阮敷不能成功議用廣州兵放之既至

南海甚有威惠將征林邑交此太守杜寶別駕阮朗不從放之以其阻衆誅之勒兵而進參黎眺潦並降遂破林邑還卒于官

升平五年春二月平南將軍廣州刺史陽夏侯滕含

卒晉書含嘗為建威長史討平蘇峻有功及在任積年甚有威惠卒謚曰戴分蒼梧立晉

康郡晉書領縣十四初穆帝以蒼梧境土寬廣析置阮橋寧遂安未始武定文昭熙寧地為十四縣俱隸晉康郡

哀帝隆和元年春正月以大司馬記室袁宏為南海

太守○太守宏表漢徵士番禺董正之門語在本傳

文帝咸安二年刺史庾蘊自殺通鑑桓温廢帝蘊兄希被温奏盜北府軍

資將見殺而逃蘊懼得  
罪遂於廣州飲鴆而死

武帝太元三年詔禁廣州夷人錢貨文獻通考詔曰錢國之重寶小

人貪利銷壤無已監司當以為急廣州夷人貨重銅鼓而州境素不出銅聞官私賈人皆以錢入廣州貨與夷人鑄販作鼓其重為禁制違者科罪

太元五年十月九真太守李遜據交州反

太元六年秋七月甲午交州太守杜瓊斬李遜交州

平

太元十年廣州刺史王琰殺沙門灋存御覽灋存廣州僧有八尺

髡甕又有沉香八尺板牀琰子劬求二物不得琰乃殺灋存

太元十六年冬十二月增城白雀見宋書符瑞志白雀見南海郡增

城縣民吳比屋上

大元十七年春二月廣州甘露降冊府元龜甘露降于南海番禺縣楊

樹流妖人孫泰于廣州晉書孫泰廣陵人師事錢塘杜子恭得秘術浮役有小才

王珣言於會稽王道子流之廣州廣州刺史王懷之以泰行鬱林太守南越人歸之後被誅其兄子恩逃入海遂舉兵反恩之妹適盧循恩死餘黨推循為主

安帝隆安元年春正月分東官立義安郡晉書義安郡分揭陽

縣立統綏安海寧海陽義招潮陽程鄉六縣冬十二月徙瑯琊內史王誕

于廣州寓傳

隆安二年以桓玄為廣州刺史受命不行秋七月玄及南蠻校尉楊佺期舉兵反晉書玄與荊州刺史殷仲堪等舉兵反尋以仲

堪為廣州刺史不受命

隆安三年林邑范達陷日南九真遂寇交趾太守杜瓊討破之

隆安四年詔徵廣州刺史刁達不至達附於玄故玄留之

元興元年春二月以右將軍吳隱之為廣州刺史

元興二年加刺史隱之前將軍詔賜錢穀晉書詔曰龍驤將軍

廣州刺史吳隱之孝友過人祿均九族非已絮素儉愈魚殮大處可欲之地而能不改其操饗惟錯之富

而家人不易其服華奢務嗇南咸改觀朕有嘉焉可進號前將軍賜錢五十萬穀千斛

元興三年冬十月海賊盧循反攻廣州刺史隱之與

戰敗績晉書循浮海寇廣州攻番禺隱之率屬將士固守彌時輒為所敗長子曠之戰沒壬

戌大火城陷循獲隱之自攝州事宋書循攻城百餘日踰城放火壬戌

夜火大起延三千餘家死者萬餘人因散潰城遂陷隱之欲奔還都為循所得循自攝州事號平南將軍

○太平御覽循除火後骨數得髑髏三萬餘於江南洲上葬之號為共塚

義熙元年賊循遣前刺史吳隱之還劉裕與循書令遣隱之還久不

遣王誕曰將軍今留吳公公私非計孫伯符豈不欲留華子魚但以一境不容二君耳於是誕與隱之俱

還得

義熙二年春三月以劉裕督交廣二州軍事四年裕入輔

夏四月賊循遣使如交州通好刺史杜瑗斬之

義熙四年興寧大鳥化為虎祥異志忽有數十鳥大如鷲少日化為虎

義熙六年春二月盧循以廣州反晉書劉裕伐慕容超徐道覆在始興

使人勸循乘虛而出循不從乃自至番禺說循曰本任嶺外豈以理極於此傳之子孫邪直以劉裕難與為敵故也今裕頓兵堅城之下未有還期我以此思歸死士掩擊何劉之徒如反掌耳不乘此機而苟求一日之安朝廷恒以君為心腹之疾若裕平齊之後息甲歲餘以鹽徵君裕自率無至豫章遣鏡師過嶺雖復居之神武必不能當也人曰機萬不可失既克都邑裕雖南還無能為也若不同便當率始興之衆直指尋陽耳循甚不樂與兵然無以奪其計乃從之初道覆密欲裝舟艦乃使人伐船材於南康山

偽云將下都貨之後稱力少不能得致即至始興賤賣之價減數倍居人貪賤賣衣物而市之頃石水急出船甚難皆儲之如是者數四故船板大積而百姓弗之疑至是投賣券而取之無敢隱者乃併力裝之旬日而辦三月己巳月掩斗衡晉書占北斗第五星遂舉衆反秋八月劉裕遣將軍孫處沈田子自海年始興太守徐道覆反

道襲廣州冬十一月庚戌拔之宋書振威將軍孫處破循於新亭劉裕謂

處曰此賊行破應先傾其巢穴令奔走之日無所歸投非卿莫能濟事我十二月必破妖賊卿亦足至番禺遂遣處率衆三千泛海襲廣州十二月裕率大軍與循戰于尋陽大敗之遂走豫章悉力柵左里裕焚其柵循單舸走衆皆降處之襲廣州也海道路由臨海臨海太守臧熹資給發遣得以無乏熹裕妻臧氏之弟也遣沈田子劉蕃孟懷玉等追賊循循還番禺

義熙七年二月以褚裕之為廣州刺史

宋書循南走劉裕版行裕

之廣州刺史避裕更行其字叔度朝廷即除叔度都督交廣諸軍事建威將軍廣州刺史桓玄族人開山聚衆謀掩廣州事覺叔度悉平之在任四年廣營賄貨家財豐積坐免官禁錮終身

州不克夏四月沈田子破之

宋書沈田子慮孫處孤危於是率軍南至賊已

收其散卒還圍廣州季高單守危迫聞田子忽至大喜田子乃背水結陳身先士卒一戰破之於是摧鋒

追討又破循於蒼梧鬱林寧浦還至廣州而季高病篤既兵荒之後山賊競出攻沒城郭殺害長吏田子

隋宜討伐旬日平殄刺將軍孫處卒于晉康循襲合

浦進攻交州刺史杜慧度敗之賊循伏誅

南史循收散卒尚數

千人自嶺道還圍廣州處拒戰二十餘口會病四月沈田子出兵擊之殺賊萬餘追奔至鬱林處卒于晉

康不得窮追循乃襲合浦克之進攻交州至龍編刺

史杜慧度與循合戰于石碕擒循長史孫建之六月

庚子循造南津慧度與諸弟帥水步軍登高艦擲雉

尾炬以焚其艦以步兵夾岸射之循衆艦俱燃兵大

潰循知不免先鳩妻子自投分水慧度取尸斬之及其

父赧同黨盡獲傳首京都慧度瑗之子也初循據廣

州人爲之謠曰蘆生漫漫竟天半後擁上

流數州之地內迫京輦果應天半之言

贈孫處為

龍驤將軍南海太守

宋書封侯官縣侯食邑千戶

封胡藩為陽山

縣男

以討盧循功也

義熙八年荊州刺史劉毅求加督交廣二州從之

書

初山簡謝安都督荆寧秦雍等州俱兼交廣至是毅

上言荊州編戶不盈十萬器械索然廣州雖凋殘循

出丹漆之用請依先准

於是加督交廣二州

義熙十年秋七月以張裕為廣州刺史

宋書劉裕伐關洛故用裕

廣州裕後避諱以字茂度行綏靖百越嶺外安之尋以疾還

義熙十三年春三月負外散騎侍郎杜弘文從劉裕

伐秦帥師次于廣州

宋書劉裕北伐秦姚泓交州刺史杜慧度遣其子弘文為流民

督護領兵三千北從大軍行至廣州關洛已平乃歸

秋七月南海賊徐道期陷

廣州始興相劉謙之討平之以謙之為振威將軍廣

州刺史

宋書東海人徐道期流寓廣州作亂攻沒州城殺士庶謙之平之誅其黨與自行州事時

長沙王道彞遣振武將軍劉道產討廣州會謙之已平群盜道產未至而返謙之道產之叔也劉裕

徵刺史謙之為太中大夫以王鎮之為廣州刺史

鎮之

在鎮不受奉

祿官舍蕭然

義熙十四年秋七月晉度支尚書前廣州刺史吳隱

之卒

按吳隱之知劉裕之欲篡晉也杜門不出至是而卒越歲而裕稱元矣隱之其毅然有不仕二

姓之心與黃志不書其卒今持補之

恭帝元熙元年分南海立新會郡

宋書新會郡本南海之平夷縣兼統

蒼梧之臨允縣今新興也

宋高祖劉裕永初元年

宋定郡國官

宋書定郡國為公侯子男四等相以與守令並牧民

餘郡並置太守語在職官表

宋封褚叔度為番禺縣男

宋書高祖初以叔度

為太尉諮議參軍相國府司馬及受命為右衛將軍以其名家而能竭盡心力甚嘉之乃下詔曰夫賞不

遺勤則勞臣增勸爵必疇庸故在功威達叔度南北  
征討常管戎要誠著嶺表可封番禺縣男食邑四百戶  
宋末初 秋八月宋交州刺史杜慧度擊林邑大破降  
之 晉書云慧度既破林邑威名大著

宋末初 宋罷廣州獻細布 南史廣州嘗獻入筒細布一端八丈上惡其精麗勞

人郎付有司彈太守以布還之並詔嶺南禁作此布

宋元嘉 秋八月宋以右軍長史江恒為廣州刺史○

三年 夏五月宋遣負外散騎常侍李鮓之使廣州

冊府元龜時遣使巡行天下問風俗卹民隱

宋元嘉 夏四月宋交州刺史杜弘文卒于廣州 語在本傳

冬十一月宋南海熙安甘露降 宋書符瑞志甘露降南海熙安廣州刺史

江桓以聞

宋元嘉 五年 夏五月宋以始興太守徐豁為廣州刺史未

拜卒詔褒卹之 宋書豁清練明理嘗表陳三事太祖嘉之下詔獎資至是以為持節督廣

交二州諸軍事廣州刺史未拜卒 六月己卯宋遣使

檢行賑贍以江夏內史程道惠為廣州刺史

宋元嘉 六年 秋七月宋以尚書左丞孔默之為廣州刺史

宋元嘉 八年 春正月宋復立珠厓郡 屬交州 夏五月宋南海

番禺甘露降○秋林邑國王范陽邁寇宋九真人于

**四會** 宋書末初二年林邑王范陽邁遣使貢獻即加除授太祖元嘉初侵暴日南九真諸郡交州刺史杜弘文建牙聚衆欲討之聞有代乃止八年遣樓船百餘寇九真入四會浦口交州刺史阮彌之遣隊主桓道生三千人赴討

攻區粟城不尅引還  
**宋元嘉九年** **夏六月宋遣大使巡交廣** 宋書詔曰益梁交廣境域幽遐治宜

物情或多偏壅可更遣大使巡求民瘼 **冬十一月癸丑宋分廣州立宋**

**康郡** 分高涼西營立語在圖經

宋元嘉 **夏五月宋刺史孔默之有罪徵下廷尉** 宋書

以贖貨得罪下廷尉大將軍彭城王義康保持之故得免及義康被黜默之子負外散騎侍郎熙先久不得調與左衛將軍范華同謀反立義康事發俱伏誅 **六月宋以前青州刺史常**

**朗爲廣州刺史**

宋元嘉 **秋九月宋流謝靈運於廣州十二月殺之** 宋

前始興內史康樂侯謝靈運游山動衆殺人廷尉奏靈運率衆反叛論斬上愛其才降等徙廣州時山陽縣人趙欽云同村薛道雙言謝康樂給錢令買弓箭刀盾等物使道雙要合鄉里健兒於三江口篡取謝共得此如意之后功勞是同後邀謝不及逸還饑饉緣路爲盜有司奏收治太祖命於廣州棄市臨死賦詩曰龔勝無餘生李業有終盡稽公埋既迫霍生命亦殞悽悽凌霜葉網網衝風苗避近竟幾何脩短非所慙迷心自覺前斯痛久已忍恨我君子志不獲崖上氓遂服刑然原其初非有叛志也

宋元嘉 **十二年林邑扶南遣使自廣州入貢于宋**

宋元嘉 **十三年宋分南海四會縣立綏建郡**



宋元嘉十四年秋九月宋廣州刺史常朗坐罪免太平御覽御史中丞劉禎劾朗在州多賦貲鑿銀為碗至百冬十月宋以

安成公相沈邵為廣州刺史未行卒

宋元嘉十五年秋八月宋以始興內史陸徽為廣州刺史○

宋刺史陸徽上表薦士

宋書徽清名臣王鎮之為士民所愛詠上表薦廣州別駕

從事朱萬嗣理業冲夷秉操純白冰心與貪泉爭激霜情與晚節彌茂歷宰金山家無寶鏤之飾連組珠海室靡瑤珥之珍云見本傳林邑扶南遣使朝貢

宋元嘉十六年春三月宋廣州城北甘露降

宋書符瑞志甘露降廣州城北

揚樹刺史秋七月宋刺史徽旌表戎士陳南妻戴氏

立百節坊

語在列女傳

冬十二月宋徙征北府行參軍顧

邁于廣州

南史吳郡顧邁為始興王濬征北府參軍與別駕劉瑀相忤瑀白之濬大怒啓文帝

徙邁于廣州林邑遣使朝貢

宋元嘉十七年冬十月戊申宋徙尚書庫部郎何默子等于

廣州

宋書上以司徒彭城王義康嫌隙已著將成禍亂收其椽屬劉湛劉斌付廷尉下詔暴其罪就

獄誅之窮治其黨徙默子及餘姚今韓景之末興今

宋元嘉十八年春正月以彭城王義康都督江交廣諸軍事

殺龍驤將軍扶令育

宋史云龍驤將軍扶令育上表曰彭城王先朝之愛子陛

下之次第若有差謬之愆正可道以義方奈何一旦黜削遠棄南垂萬一年窮命盡奄忽于南竊為陛下

蓋之陛下徒知惡枝之宜伐豈知伐枝之傷本乎表奏賜死

宋元嘉二十一年秋七月宋徵刺史徽為長沙內史宋書徵徽為南平王

繼冠軍司馬長沙內史行湘州府事八月以廷尉陶愨祖代之未幾罷明年以諮議參軍劉道錫代之

宋元嘉二十二年冬十二月宋徙逆黨謝綽等于廣州宋書孔熙

先范畢謀反縉兄綜許發大將軍兵事發俱伏誅畢兄弟子父已亡者及縉俱徙廣州

宋元嘉二十三年六月交州刺史檀和之伐林邑尅之

宋元嘉二十七年宋徵廣州刺史劉道錫下廷尉尋宥之宋書

道錫兄道產以功至雍州刺史道錫雄猛有兄風宋元嘉二十一年遷廣州刺史二十七年坐貪縱初庾

仲文領選道錫至鎮餉白檀牽車仲文常自乘焉人皆醜之至是收下廷尉既宥而卒

宋元嘉二十九年夏五月宋廣州刺史廣陵王誕受命不行

以蕭簡為南海太守宋書誕為廣州未之鎮以簡為安南諮議參軍南海太守行府

州事尋改誕為會稽太守以東海王禕代之禕復不行仍用簡如故簡由是領恣

宋以始興臨賀始安二郡屬廣州

宋元嘉三十年夏六月宋以御史中丞王曇生為廣州刺史

尋改吳興太守以右衛將軍宗慤代之○秋七月逆

黨蕭簡據廣州及九月丁卯輔國將軍南海太守鄧

琬寧朔將軍始興太守沈攸之等討平之宋書宋太子劭弒逆

用簡弟斌謀簡遂據郡及世祖入討元凶以鄧琬為

輔國將軍南海太守沈攸之為寧朔將軍始興太守

計簡緩建太守劉勔起義討之燒其南門琬圍城唯  
 治一攻道瀆系至曰宜四面並攻若守一道何時可  
 拔已而相持五十日不克乃從之八道俱攻一日即  
 拔遂斬簡慶系先入封庫藏付琬而還自收惟圖籍  
 而宋刺史慤以劉勔為軍府主簿宋書勔以功封大亭侯

宋世祖武帝劉駿孝建元年春二月宋前南海太守陸展從江州

刺史臧質討戴瀆興不克死之宋書孝武閨門無禮與南郡王義宣諸女

淫亂義宣因此發怒時刺荆州密治舟甲會倖臣戴瀆興專管內務導孝武為惡義宣乃與江州刺史臧質起兵討之時展改守尋陽質以展為長史傳檄聲言姦臣交亂圖頃宗社孝武遣兵禦之質等兵敗皆死

宋流劭黨沈懷遠於廣州宋書懷遠納東陽公主養女王鸚鵡為妾世祖

徙之廣州使廣州刺史宗慤於南海殺之會南郡王義宣反懷遠頗閑文筆慤起義使造檄書由此是原

至武康令撰南粵志

宋孝建二年刺史宗慤討桂陽太守何亮誅之宋書亮何后九子也

助丞相南郡王義宣為逆遣參軍王師壽斷桂陽道以防廣州慤收亮斬之

宋孝建三年春二月甲子宋以刺史慤為平西將軍豫州

刺史○秋八月丁未以尚書吏部郎王琨代之○夏

五月宋刺史琨表獻俸祿之半○秋八月宋徵刺史

琨還已丑以交州刺史費淹為廣州刺史南海太守

垣閔為交州刺史

宋大明三年春宋刺史淹獻三角水牛

宋大明五年 冬十月宋以冠軍將軍臨海王子項為廣州

刺史不赴鎮改荊州刺史

宋大明六年 秋七月甲申以輔國將軍王翼之為廣州刺

史

宋大明七年 夏五月宋以輔國將軍始安王子貞為廣州

刺史不赴鎮遷南彭城太守

宋大明八年 四月以南海太守袁曇遠為廣州刺史○冬

十一月宋晉安王子勛起兵於尋陽廣州刺史袁曇

遠應之宋書子業狂悖無道賜子勛死其長史鄧琬奉子勛起兵於尋陽曇遠舉兵應之移檄遠

近以廢昏立明當討十二月相東王或弑子業而自立

宋泰始二年 春正月宋子勛稱帝遣蕭道成討之廣州將

李萬周殺袁曇遠以降宋書右將軍蕭道成率衆東北征討鄧琬遣人收其子贖

贖既越獄遂率衆與前南海太守何曇直晉康太守劉紹祖北地傅浩東莞童禽等起兵拒琬會劉嗣祖

亦遣衆出南康與贖等合袁曇遠聞始與兵起遣將李萬周陳伯紹率衆討嗣祖遣兵戍潯陽萬周等築

壘相守嗣祖遣人誑萬周曰尋陽已平臺遣劉勔為廣州垂至萬周信之使回還襲番禺夜以長梯入城

曇遠怯弱無防聞萬周反便徒跣出奔萬周追斬之冬十月宋以輔國將軍劉

勔為廣州刺史不拜十二月以梓潼太守費琨代之

冊府元龜時豫州刺史殷琰叛勔討之故不拜改為益州刺史勔著聲南土廣人思之後竟死節

宋泰始三年春二月甲申宋以御史中丞羊希為廣州刺史

史希討李萬周誅之宋書希出為寧朔將軍廣州刺史

宋泰始四年春三月宋妖賊劉思道攻廣州殺刺史羊希

龍驤將軍陳伯紹討平之宋書希以沛郡劉思道行

遣節度失利希遣收之思道不受命率所領攻州希

州城司馬鄒嗣之拒之西門戰敗死希踰城走思道

獲而殺之府參軍鄒曼率數十人襲思道已得入城

力不敵又敗東莞太守蕭惠徽率郡文武千餘人攻

擊思道定之贈希輔國將軍陳伯紹率軍伐俚還

惠徽中書郎嗣之越騎校尉交州人李長仁據州叛

以伯紹代惠徽為太守

宋泰始五年秋七月己酉宋以東莞太守陳伯紹為交州

刺史賞平亂功也冬十二月宋以輔國將軍建安王世子

融為廣州刺史

宋泰始七年春二月戊戌宋分廣交三郡置越州以陳伯紹

為刺史兼督交越續大事記解題按州郡志越州分

百梁龍蘇永寧安昌富昌南流六郡夏五月宋以寧朔長史孫超之為

廣州刺史

宋元徽二年春二月宋以寧遠將軍到遁為南海太守○

冬十月宋以遊擊將軍陳顯達為廣州刺史齊書顯達南彭

城人仕以軍功位羽林監濮陽太守至是為使持節督廣交越三州輔國將軍平越中郎將顯達至州以南海太守到遁為長史顯達惡人謂已為盲聞必殺之遁諫不從

宋元徽五年七月以後 冬十月宋車騎大將軍沈攸

之討蕭道成陳顯達遣軍入援殺南海太守到遁

沈攸之舉兵討蕭道成顯達遣軍援臺輔國長史南海太守到遁司馬諸葛導勸顯達保境蓄眾守通彼

此顯達於坐手斬之遣表疏 宋蕭道成徵顯達還以歸心于道成道成甚德之

交州刺史沈景德代之 道成尋以顯達為大司馬景德為寧朔將軍 宋蕭

道成以驍騎將軍周槃龍為廣州刺史不赴鎮尋改

司州刺史 景德樂龍皆 道成之黨也

宋昇明 二年 春正月宋以顛令蕭頤為寧朔將軍廣興相

齊書宋封頤為頓縣子固辭不受遂轉廣興相時嶺下積旱水涸不通頓部伍至水忽暴長庚濫曰此利

涉大川之兆也始興郡本無樵樹調味有 三月宋蕭

關至是郡堂屋後忽生一株人皆以為瑞 道成以輔國將軍劉俊為廣州刺史 南齊書霸業初

俊勳之子也襲 夏四月宋以尚書外兵郎伏曼容為

輔國長史南海太守 舊在流寓傳非 六月宋蕭道成以前新

會太守趙超民為交州刺史不克赴鎮 通鑑初交州

卒從弟叔獻代領州事以號令未行遣使求刺史

於宋時齊王道成命超民往超民畏叔獻不敢赴

宋昇明三年四月以後齊太 三月宋以南海太守沈

祖高帝蕭道成建元元年

煥為交州刺史交州發兵拒之通鑑宋以煥為交州刺史更以叔獻為寧

遠司馬武平新昌二郡太守叔獻既得朝命人情服從遂發兵守險不納煥煥停鬱林病卒四月齊王受

禪七月即以叔獻為刺史夏四月齊以刺史顯達為中護軍齊書顯達

以及冬十二月齊遣使巡行廣州齊書遣使巡行以

齊建元三年春齊以劉俊為太子中庶子領越騎校尉

夏四月齊復以沈景德為廣州刺史通鑑俊罷廣州領賞以獻家無

留儲後隆昌時所獻歲少上怒收俊付廷尉欲殺之已而得免猶禁錮終身

齊世祖武帝蕭順永明元年春正月齊封其子子罕為南海王

齊永明二年春三月齊以少府趙翼為廣州刺史

齊永明四年春齊以始興內史劉勅為廣州刺史

月齊以鎮南長史蕭惠休為廣州刺史勅勿以私祿

充獻奉

齊永明六年夏六月丙子齊以始興太守房法乘為交州

刺史

齊永明八年冬十月齊以伏登之為交州刺史

按綱目分註云交州刺史房法乘專好讀書嘗屬疾不治事由是長史伏登之得擅權改易將吏法乘聞之大怒繫登之於獄

登之厚賂法乘法乘妻夫崔景叔得出因將部曲襲執法乘囚之啓法乘心疾不任視事詔逮法乘還而以登之知交州事

齊永明九年春正月齊以刺史惠休為輔國將軍南海太守南齊書惠休為刺史罷任獻奉傾賞上勅中書舍人茹法亮曰可問蕭惠休吾先使卿宣勅令其勿以私祿克獻奉今殊三月齊以太子左衛率劉縝為

廣州刺史

齊永明十年齊廣州刺史劉縝為奴所殺始興內史王詡

討誅之

齊永明十一年冬十二月齊徙認議參軍劉祥于廣州齊書整持節都督廣交越三州諸軍事廣州刺史卒于官去年祥啓求迎喪還至大雷祥就整妻求還資事聞於朝有以祥連珠啓上者上令御史出丞任選奏劾祥自中乃徙廣州

齊主蕭昭業隆昌元年十月以後高宗明帝蕭鸞建武元年夏六月齊蕭鸞以黃

門侍郎王思遠為廣州刺史不赴鎮○秋七月齊蕭

鸞以東官太守臧靈智為交州刺史○八月齊蕭鸞

以輔國將軍王詡為廣州刺史時鸞廢昭業而立海陵王昭文改元延興

內外百官皆鸞所置冬十月鸞篡立詡尚書令晏之弟也及為廣州多納財貨御史中丞袁昂奏之不憚權豪

齊建武四年春正月齊遣蕭季敞襲殺廣州刺史王詡○

秋九月齊以蕭季敞為廣州刺史通鑑初尚書令王晏為武帝所寵任

及廢鬱林王晏欣然推奉上惡之殺晏詡晏之弟也復遣南中郎司馬蕭季敞襲詡殺之遂以季敞代為



刺史

齊主蕭寶卷 永元元年 夏六月齊以始興內史范雲為廣州刺

史○刺史雲遣使祭南海孝子羅威唐頌墓○秋九

月齊徵刺史雲下獄南史時齊大臣江祐姨弟徐藝為曲江令祐私以託雲有譚儼

者縣之豪族藝鞭之儼以為耻至冬十月齊以始興

內史顏翻為廣州刺史○十一月齊西江督護周世

雄殺前刺史蕭季敞南齊書世雄前刺史繁龍子為江西督護季敞北還時值陳顯達

反世雄稱季敞同齊刺史翻討世雄殺之

齊末元三年三月以後春三月齊以驃騎將軍沈徽

孚為廣州刺史

齊中興二年 春三月齊以冠軍將軍鄧元起為廣州刺史

尋徵為給事黃門侍郎蕭衍之黨也

梁高祖武帝蕭衍天監元年 夏四月梁以齊前廣州刺史范雲為

吏部尚書梁書雲高祖佐命功臣拜散騎常侍吏部尚書初雲為郡號稱廉潔及居貴重頗通

饋餉然家有蓄積郎梁封驍騎將軍馮道根為增城

縣男○冬十月以待詔王僧孺為南海太守語在本傳

梁天監二年 夏五月梁斷郡縣獻奉○梁廣州刺史樂藹

誅前刺史徐元瑜南史藹天監初遷御史中丞二年藹出為平越中郎將廣州刺史前

刺史徐元瑜罷歸遇始興人士反因掠元瑜財產元瑜走歸廣州借兵於諶托欲討賊而實謀襲諶諶覺之梁加刺史諶號征虜將軍○冬十一月梁徵太守

僧儒為尚書郎郡民詣闕請留不許

梁天監四年夏六月徙尚書左丞范縝于廣州梁書侍中王亮元日

朝會辭疾不登殿以大不敬免為庶人至是高祖譙群臣於華光殿問以得失尚書左丞范縝起曰王亮

頗有治實陛下棄之是愚臣所不知也上不說御史中丞任昉因奏曰臣聞息夫歷詆漢有正刑白袞一

奏晉以嗣罰况縝附下訕上毀譽自口者哉遂坐亮徙廣州語在流寓傳

梁天監五年夏四月梁分湘廣二州置東衡州改始興為正階縣又

置安遠郡秋七月丙寅梁分廣州置桂州俱語在沿革○廣分東西始此

廢置州郡不可勝紀廣州冬十月徙博羅邑治于

浮碇岡山道上有趙歸真薦元起有長生之術特詔迎

梁天監六年梁以豫章內史蕭昌為廣州刺史以輔國將軍任嗣年

進號征遠將軍昌梁王族弟也

梁天監八年梁徙刺史昌于衡州以左民尚書柳惲代之

梁書蕭昌督廣州亦剛敏然好酒多酒過為有司所劾遂徙入留京師縱酒虛惲引刀自刺左右救之不

死惲有詩名以左民尚書代昌始興鳳凰見韶州志鳳翔于始興縣東一里

梁天監十三年梁以衡陽嗣王元簡為廣州刺史梁書元簡武帝第四

弟暢之子也除會稽太守入為給事黃門侍郎出為持節都督廣交越三州諸軍事平越中郎將廣州刺

史 梁以宣城太守何遠為始興內史 語在名宦傳

梁天監十六年 梁廣州流人王貞秀參軍杜景謀襲州城長

史蕭昂討斬之 梁書江州刺史王茂卒其子貞秀以居喪無禮為有司奏徙越州後有詔

留廣州乃潛結仁威府中兵參軍杜景欲襲州城長史蕭昂討之景魏降人與貞秀同戮 梁以輕

車將軍蕭昂為廣州刺史 梁書昂字子明武帝從父弟也

梁普通二年 梁徵刺史昂為散騎常侍 ○ 梁分廣州翁源

清遠立清遠郡

梁普通四年 夏六月乙丑梁分廣州置成州南定州合州

建州 梁書大清中改合州為南合州魏書魏於南陽置廣州東魏於襄城亦置廣州是後南北州名

六年 春三月初己巳梁以 征虜將軍元景隆為廣

州 梁主好寵魏降將 用景隆封沅陽縣公 自廣越交桂等十三州

事平越中郎將廣 文○北史景隆 在賦詩送之

元年 梁衡州都督蘭欽討陽山始興叛蠻平之 梁書

欽屢有戰功詔假節都督衡州三郡兵討桂陽 陽山始興三郡叛蠻至即破之賊平封安振縣男 梁

以歐陽頌為清遠太守 陳書蘭欽少與頌相善故頌 常隨欽征討欽督衡州仍除

清遠太守 梁中大 梁徵刺史景隆為侍中安右將軍 ○ 梁流人

通三年

蕭正則謀襲廣州不克伏誅南史前樂山侯蕭正則坐世劫盜制爵徙鬱林

帝勅廣州日給酒食正則茲怨諸父與西江督護斬

山顧通寶招誘亡命將襲番禺未及期而事發鳴鼓

會將攻州城刺史元景隆命長史元孝深討梁以豫

之正則敗逃于厠村人縛送之詔斬於南海

章內史蕭勵為廣州刺史南史勵宗室吳平侯景之子也性至孝作郡有政聲

見本傳梁中大通四年梁刺史勵始貢獻方物語在本傳

要 通六年梁徵刺史勵還朝○江西俚帥陳文徹寇高

刺史○秋七月梁徵刺史勵為太子左衛率○陳文

徹降○夏六月梁立高州於高梁郡以孫罔為高州

州俚帥陳文徹擒之梁書欽以取魏北梁州功拜衡州刺史述職經廣州因破俚帥

陳文徹兄弟並擒之所獲不可勝計獻大銅鼓累代所無歐陽頴預其功徵欽為左衛將軍頴為直閣將軍

梁大同二年夏四月梁以安南將軍蘭欽為廣州刺史○

梁刺史欽為前刺史蕭恬所殺梁書欽將集廣兵征交州復啓歐陽頴同

行欽既至任所前刺史南安侯恬權行州事真得即

真聞欽至厚貨厨人塗刀以毒藥削瓜進之欽及愛

妾俱死帝聞之大怒檻車徵恬削爵土時頴梁以待

除臨賀內史啓乞送欽喪還都然後之任

中右衛將軍元景仲為廣州刺史 梁書景仲景隆六弟封枝江公

明年徵景仲為侍中左衛將軍

梁大同五年 春正月梁以河東王譽為廣州刺史 ○冬十

月辛丑慧出南斗 文獻通考慧出南斗長一尺餘東

其後李賁稱帝於交 梁刺史慧稱疾還朝

州發吳越兵討之 梁大同六年 梁以南河太守王譽為廣州事 梁書時河東王譽為廣州

刺史以屬為 廣州事 王譽為廣州 梁以新喻侯蕭映

非稱疾 廣州刺史 始以映代譽 梁以新喻侯蕭映

周文育 廣州刺史 始以映代譽

梁大同七年 冬十二月梁交州李賁反刺史蕭諮出奔越

州遣越州刺史陳侯等會廣州兵討之 通鑑交趾李賁世為豪右

仕不得志有弁詔者富於詞藻請選求官吏部尚書

蔡樽以弁姓無前賢除廣陽門郎詔耻之賁與詔還

鄉里會交州刺史武林侯諮以刻暴失衆心時賁監

德州因連結數州豪傑俱反諮輸賄于賁得奔越州

凡賁移檄啓事皆詔之辭也上遣越州刺史陳侯羅

州刺史賓巨安州刺史李智愛州刺史阮漢同征李

賁諮又奔廣州依蕭映 梁大同八年 冬十二月梁盧子略等反攻廣州叅軍陳霸

先討平之以霸先為西江督護高要太守 陳書蕭映以霸先為

中直兵叅軍隨府之鎮映令霸先招集土馬衆至千

人仍命霸先監宋隆郡所部安化二縣元不賓霸先

討平之尋監西江督護高要太守是年盧子雄誅第  
子畧子烈竝豪傑與孫罔子姪及其主帥杜天合杜  
僧明周文育等結盟執南江督護沈顛取舊時部曲  
進寇廣州暎憂忿成病不能軍惟主簿燕府中兵參  
軍沈恪拒戰有功霸先在高要聞事起帥精兵三千  
卷甲無行以救之頻戰屢捷天合中流矢死賊衆大  
潰生擒文育僧明遂降  
霸先並釋之引為正帥

梁大同九年秋九月梁以陳霸先為直閣將軍封新安子

陳書廣州之功梁武帝深歎異焉授直閣將軍封新安子仍遣畫工圖霸先容貌觀之

冬刺史映卒南史其冬映卒謚曰寬侯

梁大同十年春二月梁以直閣將軍陳霸先為交州司馬

領武平太守討李賁會諸軍發自番禺通鑑李賁

官改元天德以弁韶為丞相陳侯等無功遣還廣州大震於是上遣交州刺史楊暉討賁霸先與衆軍發自番禺時并韶病死賁失謀主以至於敗

梁大同十一年春三月梁省廣越諸州屯邸治渡戍邏不便

於民者梁書詔尚書州郡條奏上聞

梁中大夏六月陳霸先敗李賁於交州陳書六月軍至交州賁衆

數萬於蘇歷江口立城柵以拒官軍暉推霸先為前鋒所向摧陷賁走典澈湖於屈篠界立皆大造船艦克塞湖中衆軍憚之頓湖口不敢進霸先奮勒所部兵乘流先進衆軍鼓譟俱前賊衆大潰梁以

合州為南合州舊志作中大同二年攻之中大同元年為丙寅太清元年為丁卯中大同

原無二年今改正

梁太清元年春正月梁陳霸先從交州刺史楊曠討李賁

平之陳書賁竄入新昌屈篠洞中屈篠斬賁傳首建康○此條舊志作中大同二年非也今改正

春三月梁以陳霸先為振遠將軍西江督護高要太

守督七郡諸軍事通鑑李賁兄天寶遁入九真收餘兵二萬圍愛州霸先討平之詔以

霸先為西江督護高要太守督七郡諸軍事梁復以元景隆為廣州刺史

未至卒以其弟景仲代之

梁太清二年冬梁元景仲反

梁太清三年春二月梁遣超武將軍歐陽頎征討廣衡二

州山賊陳書時湘衡之界五十餘洞不賓勅令衡州刺史帝榮討之榮格武帝稱頎誠幹降詔

賞加超武將軍征討廣衡二州山賊侯景構逆榮自解任還都征景以頎監衡州秋七月梁

高要太守陳霸先討景仲誅之迎定州刺史蕭勃為

刺史陳書七月霸先集義兵於南海馳檄以討景仲曰朝廷以景仲與賊合從謀危社稷今遣曲江

公勃為刺史鎮撫此州軍已頓朝亭矣景仲所部聞之皆棄景仲而散景仲窮蹙縊于閣下霸先迎勃鎮

廣州勃梁宗室也梁前高州刺史蘭裕作亂據始興郡遂攻

衡州陳霸先帥兵往平之以霸先監始興郡事通鑑

之弟也起兵與其諸弟攻始興內史蕭紹基奪其郡入據之遂誘始興等十郡攻監衡州事歐陽頎裕以

兄欽與頎有舊遣招之不從廣州刺史蕭勃使冬十

霸先救之悉擒裕等勃因以霸先監始興郡事月梁始興太守陳霸先起兵討侯景通鑑霸先既得郡結郡中豪傑

欲討侯景郡人侯安都張偲等各衆千餘人歸之霸  
先遣主帥杜僧明將二千人頓於嶺上始興內史歐  
陽頽率兵度嶺以助霸先廣州刺史蕭勃遣人止之  
曰援軍十萬士馬精疆猶不能克君以區區之衆何  
補霸先曰僕荷國恩君辱臣死誰敢愛命君侯體則  
皇枝任重方岳遣僕一軍猶賢乎已乃更止之乎郎  
遣使間道詣江陵梁湘東王繹召羅州刺史徐嗣徽  
受湘東王繹節度

帥師討侯景會大都督王僧辯于巴陵

梁太宗簡文帝春正月梁以陳霸先爲交州刺史霸

先發始興以陳擬爲羅州刺史

通鑑陳湘東王繹承制以霸先爲交州刺

史霸先發始興至大庾嶺蔡路養將二萬人軍於南  
野以拒之路養妻姪蕭摩訶年十三單騎出戰無敢  
當者杜僧明馬被傷霸先救之授以所乘馬僧明上  
馬復戰衆軍因而乘之路養大敗脫身走霸先進軍

康二月梁以歐陽頽爲東衡州刺史

陳書湘東王繹承制以始興郡

伯侯景平攻刺郢州蕭勃留之不獲拜命遂改衡州

刺史進封夏五月高州刺史李遷仕反高涼太守馮

寶妻洗氏襲擊大破之

通鑑初燕王馮弘奔高麗使其族人馮業以一二百人浮

海奔宋因留新會自業至孫融世爲羅州刺史融子  
寶爲高涼太守高涼洗氏世爲蠻茵部落十餘萬家  
有女多籌畧善用兵諸洞皆服其信義融聘以爲寶  
婦高州刺史李遷仕據大率口遣使召寶寶欲往洗  
氏止之曰刺史無故不應召太守必欲詐君共反耳  
願且無往以觀其變數日遷仕果反遣主帥杜平虜  
將兵入瀨石城魚梁以逼南康霸先使周文育擊之  
洗氏謂寶曰平虜驍將也今入瀨石與官軍相拒勢  
未得還遷仕在州無能爲也襲擊大破之遷仕走保  
寧都文育亦擊走平虜據其城洗氏與霸先會于瀨



石還謂寶曰陳都督非常人也甚得衆心必能平賊君宜厚資之湘東王繹以霸先爲豫州刺史領豫章

內秋七月陳霸先遣杜僧明等擊李遷仕擒之陳書李遷

仕棄大臯欲就寧都杜僧明往援攻破遷仕水軍遷

爲義州刺史文育冬十月壬辰梁以蕭勃爲廣州刺史

南史時湘東王繹在荊州雖承制授職力不能制霸先遂從之

梁世祖孝元帝六月梁東衡州刺史王懷明作亂刺

史勃討平之詔以王琳代懷明秋七月梁以太子中舍人江

總爲始興內史陳書總勇蕭勃據廣州往依焉侯景

秩米八百斛給總梁承聖二年梁遣參軍岑之敬使廣州陳書是時蕭勃據嶺表勃之敬宣旨

慰喻會江陵陷仍留廣州大建初乃還

梁承聖三年夏五月梁以衡州刺史王琳爲廣州刺史不

克赴鎮以東宮太守孫瑒行廣州刺史事南史時蕭勃在廣州

兵強位重梁主繹甫定江表深患之以王琳代爲刺

史以勃爲晉州刺史琳至小桂嶺遣其將孫瑒監州

先行據番禺勃盡率部下至始興避琳兵鋒冬十一月魏圍江陵梁徵刺

史琳入援南史魏克江陵執梁主以歸殺之琳將兵

發哀三軍縞素孫瑒聞之棄廣州還於是蕭勃復據廣州

梁敬帝蕭方春二月梁加蕭勃司徒鎮南將軍仍爲

廣州刺史

通鑑東衡州刺史歐陽頔

梁太平二年十月以後陳高祖武帝陳霸先未定元年

春二月梁刺史勃舉兵

討陳霸先霸先遣平西將軍周文育帥諸軍擊之

南史

時陳霸先將禪代勃舉兵度嶺出南康遣其帥衡州刺史歐陽頔涇口城主傅泰勃從子孜為前軍江南州刺史徐孝頃以兵會之梁詔平西將軍周文育平南將軍侯安都率衆軍南討時歐陽頔為前軍都督頓兵豫章之苦竹灘文育軍擊破之

前衡州刺史譚遠攻勃于始興勃敗炬梁書文育前軍丁法洪於躡口生俘傅泰於是蕭孜徐孝頃軍退走歐陽頔乃退入泥溪作城自守文育遣嚴威將軍周鉄虎與長史陸山才襲頔擒之送頔于霸先湘州刺史陳法武前衡州刺史譚遠於始興攻勃殺之霸先遣侯安都攻蕭孜攻降徐孝頃退走新吳廣州平夏四月笑西曲赦江廣衡二

夏四月梁李寶藏奉懷安侯蕭任據廣州

梁書時侯安都

進軍徐孝頃棄軍走蕭孜請降豫章平五月孝頃復請降於是勃故記室李寶藏立任據廣州通鑑霸先以歐陽頔聲著南土復以頔為衡州刺史使討嶺南霸先與嶺南酋豪書尚帥聞之莫不歸降待命陳以王勣為廣州刺史不克赴鎮陳書時王琳據有上

州刺史遂留于大庾嶺後召為侍中陳遣衡州刺史歐陽頔討嶺南餘寇平之陳書高祖遣頔討定餘寇未至嶺南頔子統廣州悉平巴克始興及頔既至嶺南諸郡皆懾伏請降

陳未定

春正月陳以歐陽頔為都督交廣等十九州

諸軍事廣州刺史

陳書頔盡有越地改授都督廣交越成定明新高合羅愛建德宜黃

利安石雙十九州諸軍事鎮南將軍平越中郎將使持節通直散騎常侍始興縣侯王琳立梁末王蕭莊為帝以奉梁祀據有中流夏五月刺史顏

署南海太守○冬陳高涼太守馮寶卒

通鑑高涼太守馮寶卒海

隅擾亂寶妻先氏懷集部落數州晏然其子僕為陽春太守

陳永定三年

春正月陳加刺史顏開府儀同三司

陳書進授散騎

常伴增都督衡州諸軍事郎本號開府儀同三司

甲午陳廣州言白龍見又

仙人見于羅浮山

陳書廣州刺史歐陽頔表稱白龍見于州江南岸長數十丈大可八

九圍歷州城西道入天井岡仙人見于羅浮山寺小石樓長三丈所通身潔白衣服楚麗七月

陳加刺史顏征南將軍封陽山郡公

陳書食品四五百戶又給破

吹一部冬十月丁酉加高州刺史黃法氈平南將軍開

府儀同三司

陳世祖文帝陳

夏五月乙卯陳復置東衡州以侯曉

精天嘉元年

為刺史通鑑衡州之始興安遠二郡置東衡州以安都弟曉為刺史

陳天嘉四年

春二月陳加刺史顏征南大將軍秋九月壬

戌顏卒

陳書顏弟盛遂皆為刺史合門顯貴名振南土贈司空謚曰穆

陳以歐陽紇

為廣州刺史襲封陽山郡公

陳書紇頗有幹略額之子也額薨紇嗣由安遠

將軍衡州刺史代督交廣等十九州諸軍事會東陽太守雷異叛帝詔紇會兵討之有功

冬十月

陳以前始興內史江總為黃門侍郎

陳書總以黃門侍郎徵還朝直

侍中

陳天嘉十年

陳以臨海太守錢道戢為東衡州刺史領始

興內史

陳高宗宣帝陳

春正月陳以護軍將軍沈恪為廣州

刺史

督廣衡東衡交越成定新合羅愛德宜黃和安

石雙等十八州諸軍事鎮南將軍廣州刺史恪

陳徵

歐陽紇為左衛將軍冬十月紇據廣州反陳遣車騎

章昭達討之

陳書高宗以紇久在南服頗疑之下詔

錢道戢遣儀同章昭

達中書侍郎徐儉使廣州

不奉命陽春太守馮僕以兵拒紇

陳書紇舉兵反高宗

見儉盛列伏衛言辭不恭儉曰呂嘉之事誠當已遠

將軍獨不見周迪陳寶應乎轉禍為福未為晚也紇

默然不答儉從間道馳還高宗乃命章昭達率眾討

紇仍以儉悉其形勢勅儉監昭達軍紇召僕誘與同

反僕遣使歸告其母洗夫人夫人罵曰我為忠貞經

今兩代不能惜汝輒負國家遂發兵拒境帥百越酋

長迎章昭達

陳大建二年春二月陳章昭達擒歐陽紇送建康伏誅廣州

平陳書昭達倍道兼行至始興紇聞昭達奄至懼擾

不知所為乃出屯滙口多聚沙石盛以竹籠置下

水柵之外用過舟艦昭達居上流裝艦造拍以臨賊

柵又令軍人銜刀潛行水中以斫竹籠籠箴皆解因

縱大艦隨流突之賊眾大敗生擒紇送建康斬之初

志敬累諫不聽朝廷義之徵

陳封馮僕為信都侯其

為太子中庶子散騎常侍

通鑑馮僕以其母功封信

母先氏為石龍郡太夫人

都侯遷石龍太守遣使持

節冊命先氏為石龍太夫人

賜繡幃陳遣中書舍人

油絡駟馬安車一乘給鼓吹一部

周確慰勞廣州人丁母憂歐陽紇平起為中書舍人

命於廣州慰勞服闋為太常卿時有陳留阮卓者素

有孝行為普安王府記室奉使招慰交趾通日南象

郡多金翠珠貝前後使者皆致之唯卓使然不染成稱其廉

陳大建冬十月以南康王方泰為廣州刺史方泰粗

有司十二月以長沙王叔堅為廣州刺史

奏免陳大建夏六月陳以叔堅為合州刺史以沈君高為

為廣州刺史陳書叔堅少桀黠凶虐使酒

陳大建陳刺史沈君高卒陳書嶺南俚僚世相攻伐

撫御甚得民陳以馬靖為廣州刺史君高本文吏無武幹推心

和卒謚祁子陳大建夏四月陳分東衡州安遠郡屬西衡州

陳大建陳主陳叔寶陳封子虔為南海王陳書後主

至德元年陳遣中書舍人蕭引使廣州刺史馬靖遣子弟入質

陳至德陳主以智武將軍陳方慶為廣州刺史使襲

前刺史馬靖殺之陳書方慶南康王方泰弟也為智

靖父居嶺表大得人心士馬強盛兵甲精練數有戰

兵襲靖殺之進號宣毅將軍方慶性清謙甚得民和後進號雲麾將軍

陳至德四年陳封弟叔坦為新會王

陳書叔坦高宗第三十一子也

陳復明元年

冬十月陳殺前南海太守章華

語在流寓傳綱目書陳殺

章華

陳復明三年

春正月衡州刺史王勇襲殺刺史方慶

陳書隋師

濟江衡州刺史王勇遣高州刺史戴智烈將五百騎迎方慶欲令承制總督征討諸軍事方慶不從智烈與戰敗之斬方慶於廣州勇大建中為晉陵太守在職有能名方慶之襲馬靖也朝廷以勇為超武將軍東衡州刺史頌始興內史以為方慶聲勢靖誅以功封龍陽縣子

陳高涼郡夫人洗

氏以兵迎隋將常泚入于廣州王勇降于隋

陳書王勇又

其將王仲宣曾孝武迎西衡州刺史衡陽王伯信伯信懼奔清遠孝武追殺之是時常泚兵已至嶺豐州刺史鄭萬頃據州不受勇召豫章太守徐璿據南康拒泚泚等不得進隋首王廣遣陳叔寶遺泚夫人書夫人慟哭遺其孫馮魂帥眾迎泚泚遣軍攻陷傍郡勇計無所出乃以其衆降泚進圖嶺南諸州使王勇下之嶺表皆定上聞而大說許以便宜從事於是泚表馮魂為儀同三司州泚氏為宋康郡夫人勇行至荆州卒隋贈大將軍隋以常泚為廣州總管

隋書泚所綏集二十四州拜廣州總

冬十月番禺俚帥王仲宣反圍廣州隋總管常泚死

之隋書仲宣本王勇將至是聚眾為亂嶺南首領多應之遂犯廣州命襄陽公常泚為行軍總管涼州道黜陟大使慕容三藏為副仲宣先以兵圍泚及三藏至廣州與賊交戰泚為流矢所中卒詔令三藏檢校廣州道行軍事贈泚上柱國賜錦繡萬段謚曰敬子協嗣

隋高祖開皇九年省楊粵州郡

隋書省安遠郡置曲江始興樂昌三縣省

清遠郡置清遠翁源二縣省東官郡置增城寶安政

賓二縣省綏建郡置四會化蒙二縣省新會郡置新

會義寧二縣省高興郡置電白石龍吳川海安四縣

省高要晉康宋隆新寧四郡置高要端溪平興新興

四縣省陽山郡置桂 置廣循二州總管 隋書平陳置

陽陽山連山三縣 始興循州總管于龍川開 廣州總管于

皇未移廣州總管于南海 開皇十年春行軍副總管慕容三藏大破仲宣兵廣

州圍解 隋書賊衆四面攻圍三藏固守月餘城中糧

少矢盡三藏以爲不可持久遂自率驍銳夜

出突圍擊之賊衆潰散廣州獲 遣給事黃門侍郎裴

全以功授大將軍賜奴婢百口 矩巡撫嶺南矩及大將軍鹿愿會馮盎兵討仲宣平

之 隋書裴矩好學有智數奉詔巡撫嶺南行至南康

舉圍東衡州矩與大將軍鹿愿赴之賊立九柵屯大

嶺又擊破之遂斬師舉進軍自南海援廣州○時高

涼先氏親被甲乘介馬張錦傘領毅騎衛從裴矩巡

撫二十餘州其蒼梧等州首領陳坦等皆來參謁矩

承制署爲刺史縣令使還統其部落嶺表遂定矩復

命上大悅命升殿勞之拜 以馮盎爲高州刺史進封

民部侍郎封聞喜郡公 先氏爲譙國夫人 通鑑論平廣州功拜馮盎高州刺

史追贈馮寶爲廣州總管譙國公 田先氏爲 隋書王長述拜司

譙國夫人 以王長述爲廣州刺史 憲大夫出爲廣州

刺史甚有威惠吏人懷之在

冬十月陳陽山太守毛

爽降于周法尚

置連州

隋書法尚爲永州總管

安集嶺南爽詣法尚降

置連州

置連州

黃東通志

卷之三

三十六

五百六

開皇十一年廣州總管趙訥有罪免

隋書時番馬總管趙訥貪虐諸

俚獠多亡叛先夫人遣長史張融上封事論安撫之宜併言訥罪狀不可以招懷遠人上遣使推訥得其

賊賄竟致於法

開皇十四年春二月廣州總管田式有罪免

隋書式為襄州

刺史坐酷罷復用于廣州廣人苦之至是以罪黜命下式先卒于官

夏六月詔給嶺南

省府州縣公解田

隋書今有司不得治生與民爭利

冬閏十月詔立

南海祠

隋書禮儀志詔南海於海鎮南近海立祠此南海神廟之始

開皇十五年徙海州刺史房恭懿于嶺南

隋書恭懿洛陽人初

為吏部尚書蘇威所薦為德州司馬盧愷考其政為天下最詔拜德州刺史會國子博士何妥讚之恭懿

竟得罪配嶺南未幾徵還行至洪州遇患卒論者寬之

開皇十七年春二月遣桂州總管周法尚發嶺南兵

討俚帥李光仕斬之尋收安州為欽州

通鑑桂州俚帥李光仕作

亂帝遣桂州總管周法尚發嶺南兵行軍總管上柱國王世積發嶺北兵法尚敗光仕追斬之上以嶺南

夷越數反以令狐熙總督交州十七州諸軍事許以便宜從事安州刺史審猛力恃險驕倨未嘗參謁熙

諭以恩信猛力感之詣府請謁夏五月行軍總管王

世積討俚黨耿詢擒之

隋書詢冊陽人滑稽辯給伎巧絕倫與諸越相結得其歡

心會郡俚反叛推詢為主柱國王世積討擒之詢當誅自言有巧思世積釋之後受天文筭術創造渾天

儀給使太史局進敬器帝善之征遼東上書知平壤之敗冬十月欽州刺史審長



真入朝通鑑帝又遣員外散騎侍郎何稠募兵討光仕綱諭降其黨及自嶺南還甯猛力請隨稠入朝臨終戒其子長真曰我與大使約不可失信汝葬我畢宜即登路長真嗣為刺史如言入朝上大悅曰何稠著信蠻夷乃至於此

開皇十八年春三月循州總管樊子蓋奏嶺南地圖

賜良馬加統四州語在名宦傳

仁壽元年改廣州為番州隋書上廢太子勇囚之立晉王廣為皇太子以廣州

有番山改為番州避廣諱也

仁壽四年秋七月流兵部尚書柳述于龍川黃門侍

郎元巖于南海通鑑上寢疾於仁壽宮尚書左僕射揚素兵部尚書柳述黃門侍郎元巖

者入閣侍疾召太子廣入居太寶殿太子無禮於陳夫人帝怒因令述巖召廢太子勇述巖出外作勅書

揚素聞之以白太子矯詔執述巖屬吏令右庶子張衡入寢殿俄而上崩及煬帝嗣位述巖俱除名為民

述徙龍川巖徙南海

四年交州俚帥李佛子作亂遣總管劉方討平之○

冬十月徙前刑部尚書薛胄于嶺南隋書高祖崩於絺漢王諒舉兵

時胄檢校相州諒遣使請援於胄朝廷以胄懷貳心鎖詰大理相州吏民素懷其恩詰闕理胄者百餘人

胄竟坐除名配防嶺南尋病卒

煬帝大業元年春正月廢廣循二州總管府○行軍

總管劉方及欽州刺史甯長真伐林邑入其國而還

通鑑高祖之末群臣有言林邑多奇寶者時天下無事劉方新平交州乃授方驩州道行軍總管經畧林邑方遣寧長真等以步騎萬餘出越裳方親帥大將軍張遜等以舟師出比景是月軍至海口林邑王梵志遣兵守險擊走之師度閩黎江林邑兵乘巨象四面而至方戰不利乃多掘小坑草覆其上以兵挑之既戰偽比林邑遂之象多陷地顛躓大敗俘尚書右

承李綱使南海還下吏免官

通鑑初綱數以異議忤楊素及蘇威素薦綱於

高祖以為劉方行軍司馬方承素意屈辱之幾死綱自歸奏事威劾奏綱擅離所職下吏按問會赦免官

番禺夷僚作亂命車騎將軍薛世雄討平之

隋書世雄以戰

功累遷儀同三司左親衛車騎將軍煬帝嗣位番禺夷僚相聚為亂詔世雄討平之遷右監門即將帝謂群臣曰世雄無正節梁有古人之風於是超拜右翊衛將軍

拜司隸大夫尋殺之

通鑑初內史侍郎薛道衡以才學有盛名久當樞要高祖未出

為襄州總管帝即位自番州刺史召之欲用為秘書監道衡既至上高祖文皇帝頌帝覽之不悅顧謂蘇

威曰道衡致美先朝此魚藻之義也拜司隸大夫後竟殺之

流滕王瓚幼子温於

南海

隋書温滕穆王瓚幼子也於帝為從兄弟好學解屬文作零陵賦帝見而怒之轉徙南海

大業三年遣屯田主事常駿虞部主事王君政自南

海乘舟使赤土

隋書赤土國扶南之別種也在南海中水行百餘日而達所都土色多赤

因以為號帝即位募能使絕域者至是駿與君政自請使赤土帝大悅賜駿等帛各百匹時服一襲而遣齎物五千段以賜赤土王其年十月駿等至其都王遣其子那邪迦請與駿等禮燕遺甚厚尋遣那邪隨駿貢方物

大業四年徵龍川太守柳旦為太常少卿攝判黃門

侍郎見名宦傳遣虎賁郎將陳稜等自義安浮海擊流求

隋書大業三年上令羽騎尉朱寬入海求訪異俗因到流求國言不通掠一人而返明年帝復令寬慰撫之流求不從乃遣稜及朝請大夫張鎮周率兵自義安浮海擊之月餘而至流求不從拒逆官軍稜率衆登岸遣鎮周為先鋒分為五軍進至其都乘勝破之斬其王渴刺梵獲其子島推焚其宮室虜其男女數千給賜百官義安郡今潮州也

大業六年春二月改晉康郡為南康州隋書領端溪樂城二郡

大業八年秋九月謫前黃門侍郎柳謩之于嶺南語在

流寓傳

大業九年夏五月丁亥熒惑入南斗

大業十一年以劉權為南海太守諭賊下之語在名宦傳

大業十二年秋七月高涼通守先寶徹兵起嶺南溪

洞多應之書兵起者何隋煬弒父與君人所共誅不可以言亂也九月戊午有

星孛于南斗隋書有二柱矢出北斗魁委曲蛇形見於南斗冬十二月豫章

林士弘稱楚帝通鑑鄒陽賊帥操師乞自稱元興王攻陷豫章郡以其鄉人林士弘為大

將軍詔劉子翊討之師乞中流矢死士弘代領其衆與子翊戰於彭蠡子翊敗死士弘兵大振至十餘萬人十二月壬辰士弘自稱皇帝國號楚建元番禺俚

帥高法澄兵起○南海人鄧文進兵起據廣州

大業十三年楚主林士弘畧地至番禺授洗寶徹高

法澄官爵○俚酋楊世畧兵起據循州○梁主蕭銑

畧地至番禺鄧文進以州附舊志銑梁之後都江陵脩復園廟畧地至番禺

文進竟以州屬銑銑使張繡徇嶺南

恭帝侑義寧二年左武衛大將軍馮盎據嶺表附于

林士弘唐書盎高州良德人先氏夫人之孫也仁壽初為宋康今潮成等五州獠叛盎馳至京師

請討之文帝詔左僕射楊素與論賊形勢素奇之曰不意蠻夷中乃生是人即詔盎發江嶺兵擊賊平之

拜漢陽太守還嶺表嘯署酋領有衆五萬以蒼梧高涼珠厓之地附於林士弘

梁主遣寧長真帥師伐交趾通鑑銑士弘各遣人招交趾太守丘和和不服銑遣寧長真帥嶺南之兵

自海道攻和和欲出迎司法書佐高士廉謂城中勝兵足以當之遂以士廉為軍司馬將水陸諸軍逆擊

破之長真僅以身免盡俘其衆既而得煬帝凶問乃以郡附於銑始安郡丞李襲志被攻城陷為銑所虜

於是東自九江南盡交趾銑皆有之勝兵四十餘萬



國賜爵永康縣公仍為撫慰大劉洎以嶺表五十餘李卷

使使之安撫嶺南得承制拜授通鑑先是銑遣黃門侍郎

城來降命為南康州長史劉洎畧地嶺表得五十餘

武德五年春正月己酉嶺南俚帥楊世界以潮循二

州來降世界更名畧夏四月己未隋鴻臚寺卿審長

真以地來降授長真欽州都督通鑑長真以寧越桂

自是交愛之道始通戊寅鄧文進以南海來降○合浦太守審

宣降唐書宣未報而卒以其子純為廉州刺史

秋七月丁酉漢陽太守馮盎降以為高州總管通鑑

陽太守馮盎承李靖檄帥所部來降以其地為高羅

春白厓儋林振八州以盎為高州總管封耿國公於

是嶺南甲辰遣廣州司馬長孫師收瘞隋人暴骨

冬十月林士弘遣其弟藥師攻循州總管楊畧平之

惠州志初士弘據南昌虔循之地龐孝恭招慰降潮

循二州至是士弘弟藥師以兵二萬圍循州畧斬藥

師士弘請降會士武德六年春三月南州刺史龐孝恭反陷南越州合

州刺史審純引兵救之○秋七月岡州刺史馮士翽

據新會及廣州刺史劉感討平之○九月詔李靖以

交廣兵趨宣州通鑑淮南行臺僕射冬十月丙午殺

廣州都督劉世讓

唐書世讓討突厥有功突厥患之反間云與可汗為亂帝不之察因

誅之籍其家後知世讓無逆乃原其妻子

流少府監劉義節于嶺南

武德七年夏四月庚子頒行新令于嶺南

唐書大赦頒行新律

詔遭父母喪者聽終制

六月辛亥瀧州扶州獠作亂遣南尹州

都督李光度等擊平之○貶宿國公程知節為康州

刺史

唐書隱太子譖之知節白秦王曰大王去左右手矣身歆全得乎知節有死不敢去事平改官

武德八年欽州都督寧長真反陷封山縣昌州刺史

龐孝恭擊走之

唐書長真獻大珠高祖以道遠勞人不受故反未幾長真死子據襲

武德九年南越州人盧南殺刺史寧道明

太宗貞觀元年春二月以廣州屬嶺南道詔嶺南以

米克租庸調○以車騎將軍馮立為廣州都督

語在名宦

傳冬十一月嶺南酋長馮盎遣子入朝

嶺南酋長馮盎談殿等迭

相攻擊久未入朝諸州奏稱盎反前後以十數上命將軍蘭暮等發江嶺數十州兵討之魏徵諫曰中國

初定嶺南瘴險不可宿大兵且盎反狀未成未宜動眾宜遣信臣示以至誠彼喜於免禍自服上乃罷兵

冬十月遣負外散騎侍郎李公掩持節諭之盎遣子智戴隨使者入朝上曰魏徵令我發一介之使嶺表

遂安勝十萬之師賜絹五百疋

改南康州為康州

屬嶺南道

貞觀三年都督立卒

貞觀五年春正月馮盎入朝

通鑑時羅賓諸崗獠反救盎帥部落二萬為諸

軍前鋒獠數萬人屯據險要諸軍不得進益持弩謂左右曰盡吾此矢足知勝負連發七矢中七人獠皆走因縱兵乘之斬首千餘級上美其功前後賞賜不可勝數

貞觀七年秋七月遣使李弘節張玄素長孫師巡撫

嶺南冊府元龜奉使者大理寺少卿李弘節太子中允張玄素都水使者長孫師三人者皆恤刑獄

巡海島奉令惟謹

貞觀十四年春三月羅賓貝二州獠反廣州總管党仁

弘敗之通鑑俘七千餘口

貞觀十六年冬十一月廣州都督党仁弘有罪徙欽

州通鑑綱目高祖入關党仁弘將兵有功至是為廣州都督坐賊當死上欲宥之召五品以上謂曰法

者人君所受於天不可以私今朕私党仁弘而欲赦之是自亂其法上負於天乃降手詔曰朕有三罪知人不明一也以私亂法二也善善未賞惡惡未誅三也於是黜仁弘為庶人徙欽州

貞觀十七年夏四月徙侯君集妻子于嶺南通鑑君集伏誅

乞全一子以奉祭祀乃原其妻及子徙嶺南六月流將作少監李德蹇于

嶺南

貞觀十八年以張玄素為潮州刺史舊唐書太子左庶子張玄素屢

諫太子承乾不納乃遣刺客將加屠害俄承乾以罪廢玄素隨例除名至是起授潮州刺史

貞觀二十年春三月貶太子校書王義方為儋州吉

安丞舊唐書刑部尚書裴亮謀反伏誅義方坐與亮交通貶為儋州吉安丞行至海南舟人將以酒



肅致祭義方曰黍稷非馨義在明德乃酌水而祭為文曰思帝鄉而北顧望海浦而南浮必也行愆諸已義負前修長鯨擊水天乎覆舟因忠獲戾以孝見尤四維霧廓千里安流靈應如響無作神羞時當仲夏風濤蒸毒既而開霽遂南渡

貞觀二十二年春二月流崔仁師于連州見流寓傳

高宗永徽元年流前廣州都督蕭齡之于嶺南冊府元龜

華州刺史蕭齡之坐前任廣州都督受賊詔辟臣議其罪御史大夫唐臨言刑不上大夫遂免死流之

顯慶四年嶺南初舉進士明經張弘雅及第唐志劉

加進士雜文明經填帖從之夏四月流長孫無忌子思立奏

駙馬都尉長孫冲等于嶺表通鑑武后立長孫無忌受重賜而冲尚太宗女

長樂公主許敬宗奏無忌不附后后秋七月連州大

水詔賑之冊府元龜連州大水暴溢漂没七八月詔

流韓瑗子孫于廣州唐書瑗遷為侍中諫廢王皇后

府奏瑗與遂良謀不軌貶振州刺史喻年貶吏部尚

書唐臨為潮州刺史唐書武后常右李義府謂臨遣所私督其過故貶卒于官

龍朔二年夏五月壬午柳州蠻叛遣冀州都督長史

劉伯英右武衛將軍馬士翹發嶺南兵討之

麟德二年安南酋李嗣先寇廣州都督馮元常討平

之○夏四月丙午曲赦廣州舊唐書桂廣都督府管內大辟罪已上皆宥之

乾封元年春三月令廣州都督銓嶺南州縣官

通鑑選法

以身言書判嶺南州縣官不由吏部委都督選擇

士人補授凡居官以年為考六品以下四考為滿

秋九月流武元爽于振州

通鑑初武士護娶相里氏生元爽又娶楊氏生女為后楊氏封榮國夫人嘗置酒問今日之榮貴何如對曰夙夜憂懼不為榮也榮國不悅坐事流振州而死

賊陷瓊州

咸亨元年冬十二月流西臺舍人徐齊暉于欽州

通鑑

西臺舍人徐齊暉上疏言太子當近文學端良之士豈可使戎狄入侍上怒流之

咸亨二年夏四月賀蘭敏之有罪流雷州尋伏誅

通鑑

敏之武氏姊子為左散騎常侍居喪淫亂流雷州至韶州以馬韁絞死

上元二年春三月召武元爽之子承嗣於振州

通鑑賀蘭

敏之既得罪武氏奏召承嗣於嶺南襲爵周國公

儀鳳元年秋八月始遣使詣廣州都督府注擬

通鑑綱目

勅廣桂等都督府比來注擬簡擇未精自今每四年遣五品以上官充使仍令御史同往注擬時人謂之

南選

永隆元年秋八月流太子洗馬劉訥言于振州

通鑑太子

賢殺明崇儼乃武氏所信者詔廢賢為庶人立英王哲為皇太子訥言常撰集以獻賢故流之

永隆二年五月丙戌流定襄道總管曹懷舜于嶺南

舊唐書懷舜與突厥史伏念戰於橫水官軍大敗懷舜城死流嶺南

武氏光宅元年春二月武氏流常玄貞于欽州通鑑春正月甲申朔改元

嗣聖中宗欲以皇后父常玄貞為侍中裴炎固爭中宗怒曰我以天下與玄貞何不可而惜侍中邪炎懼

白太后二月戊午太后廢中宗為廬陵王立豫王旦流玄貞於欽州秋七月戊午廣州

崑崙夷殺都督路元叡以王方慶為廣州都督唐書南海

歲有崑崙舶市外區琛琲元叡聞懦僚屬恣橫有商舶至僚屬侵漁不已商胡訴於元叡元叡先取其貨

索枷欲繫治之群胡舶酋不勝忿有崑崙油劍直登廳事殺元叡及左右十餘人而去無敢近者登舟入海追之不及方慶至秋毫無所索境內

清畏後改并州長史入為同平章事

武氏光宅元年冬十月武氏流鳳閣侍郎胡元範于瓊州通鑑

武承嗣武三思勸太后誅韓王元嘉等內史裴炎因爭收炎下獄鳳閣舍人劉景先鳳閣侍郎胡元範

其不及不聽丙申斬炎于都亭劉景先敗普州刺史元範流瓊州裴炎弟子太僕寺丞伯先上封事杖一

百流灤州復改流嶺南已而逃歸又流北庭其後武氏殺嶺南流人睿宗求炎後獨伯先在拜詹事丞後

為廣州都督見名宦傳十二月流夏州都督王方翼于崖州通鑑

或謫武衛大將軍程務挺與裴炎徐敬業通謀太后斬之王方翼與務挺相善且廢后近屬徵下獄流崖州而

武氏垂拱元年秋九月丁卯廣州都督王杲討反獠平之

武氏垂拱二年武氏流荊州人俞文俊于嶺南唐書雍州新豐縣大風雨

震雷有山雉出高二十丈有池周三百畝荊州人俞文俊上言陛下以女主居陽位山變為灾宜側身修

德以答天譴后怒流于嶺南

武氏垂拱三年秋七月乙亥雨金于廣州唐書五行志金代正秋為刑為兵占日人君多殺無辜一年兵災于朝八月廣州都督馮元常討安南酋

領李嗣仙降其賊黨唐書嗣仙殺都護劉延祐劫州縣詔元常討之率士卒航海馳

賊黨多降冬十月武氏流李孝逸於儋州綱目武承嗣誣

孝逸自言當有天分太后以孝逸有功臧死除名流儋州卒

武氏垂拱四年冬十二月武氏大殺唐宗室流其幼者于嶺南

南

武氏永昌元年春二月策試賢良擢寧原悌上第會要對策者千餘人

張柬之第一夏四月武氏殺連州別駕鄱陽公譚譚元

子慶之秋八月武氏流洛陽令魏元忠于嶺南是役也與張楚

金郭正一元萬頃同照獨書元忠表其賢也○冬十月武氏流嗣滕王脩

琦等于嶺南

武氏天授元年春正月武氏流同平章事常方質于儋州綱目

時武承嗣三思用事宰相皆下之方質有疾承嗣三思往問之方質據床不為禮或諫之方質曰死生有

命大丈夫安能曲事近戚以求苟免乎尋為周興所構流儋州尋賜死流左庶子裴敬彝

于嶺南唐書敬彝聞喜人七歲能文章父智周補臨黃令為下所訟敬彝年十四詣巡察使唐臨

直狂臨奇之試命作賦賦工父罪已釋表敬彝于朝後以著作郎兼脩國史中書舍人太子左庶子武后

時為酷吏所陷死嶺南

武氏天授二年八月武氏流右丞周興于嶺南通鑑在道為仇所殺

武氏長壽元年春二月武氏流同平章事裴行本潞州刺史

李嗣真于嶺南通鑑來俊臣羅告行本等謀反樂思男上變得召見於是出此七族

武氏長壽二年春三月武氏遣司刑評事萬國俊盡殺嶺南

流人于廣州唐書補闕孝恭授為武后謀曰讖言代武者劉劉無疆姓殆流人乎今大臣流

者數萬使之叶亂社稷憂也后然之會有上封事言嶺南流人有陰謀逆者乃遣萬國俊攝監察御史就

按之國俊至廣州徧召流人擁之水次以武氏遣使

次加戮三百餘人然後鍛鍊曲成反狀

安撫嶺南唐書武后度流人已誅畏天下誦已更遣使謬為好言曰前使使慰安其罪而不曉朕意擅誅殺殘忍不道朕甚自咎今流秋九月壬午

武氏流王弘義于瓊州唐書殿中丞來俊臣坐賊貶同州參軍王弘義流瓊州詐

勅追還至漢北侍御史胡元冬十月嶺南獠寇邊

經畧大使張立遇討平之

武氏長壽三年秋九月武氏貶內史李昭德為欽州南賓尉

通鑑昭德侍太后委遇頗專推使氣魯王府功曹詹事上疏攻之太后由是惡之

武氏聖曆元年二月武氏以李琨為嶺南招慰使舊唐書嶺南獠反勅

琨為招慰使安輯荒徼甚得其宜琨吳王恪之子也

武氏長安元年春三月丙申武氏流鳳閣侍郎同平章事張

錫于循州通鑑坐知透漏世禁中語賊滿數萬當斬臨刑釋之流循州

武氏長安三年夏六月嶺南採訪使宋慶禮諭崖振五州蠻

皆降唐書時崖振五州首領更相掠民苦于兵使者至輒苦瘴癘莫敢往慶禮身到其境諭首領大

義皆釋仇相親州土秋九月丁酉武氏貶魏元忠為

高要尉張說流嶺南綱目初元忠為洛州長史張易之奴暴亂元忠杖殺之及為相

大臣欲以易之弟昌期為雍州長史元忠曰昌期少

年不閑吏事在岐州戶口逃亡且盡不如季昶太后

默然而止由是諸張深怨之乃譖元忠嘗言太后老

矣不如挾太子為父長太后怒下元忠獄昌宗密引

鳳閣舍人張說賂以美官使證元忠說許之太后召

說入宋璟謂云名義至重鬼神難欺不可黨邪陷正

若獲罪流竄其榮多矣若事有不測景當叩閤力爭

與子同死努力為之萬代瞻仰在此舉也及入太后

問之說未對昌宗從旁迫趣使遽言說曰陛下視之

陛下前猶治臣如此况在外乎臣實不聞元忠有

是言太后曰說一久覆宜併治之竟貶元忠高要尉說

流嶺表中宗復出召元忠為中書令說工部員外郎

中宗神龍元年春二月貶武氏宰相常承慶房融崔

神慶于嶺南通鑑常承慶為高要尉張易之黨宋之慶于欽州唐宗室子孫流嶺表者皆召還

神龍二年春二月置嶺南巡察使○秋八月長流敬

暉于瓊州張柬之于瀧州綱目六月武三思通於常后復用事使鄭愔告敬暉

等與王同皎通謀貶暉崖州彥範瀧州東之新州恕

已於環州玄臨於古州崔湜說三思遣使矯制殺之  
 三思問誰可者湜以大理正周利貞先為五王所惡  
 貶官乃薦之三思使攝侍御史奉使嶺外比至東之  
 玄臨已死遇彥範於貴州令左右縛之曳於竹槎之  
 上肉盡至骨然後杖殺得暉局而殺之怨已素服黃  
 金利貞逼之使欲野葛汁盡數亦不死不勝毒憤措  
 地瓜甲殆盡仍挫殺之利貞還擢拜冬十一月流鄭  
 御史中丞三思既殺五王勢傾人主

普思於儋州

綱目鄭普思聚黨於雍岐二州謀作亂  
 事覺西京雷守蘇瓌收繫窮治之上抑

瓌而右普思魏元忠曰蘇瓌長者用刑不枉普思  
 法當死上不得已流普思於儋州餘黨皆伏誅

欽州蠻酋審承基

通鑑初常玄貞流欽州而卒蠻酋  
 審承基逼取其女玄貞妻崔氏不

與承基等殺之及其四男洵浩洞泚上命廣州都督  
 周仁軌斬之以其首祭崔氏墓殺掠其部衆殆盡上  
 喜加仁軌鎮國大將軍充五府大使賜爵汝南郡公  
 肅后隔簾拜仁軌以父事之及肅后敗仁軌亦誅

景龍元年春二月策試舉人

上親策試舉人凡九百人蘇頌  
 等五人居上第張九齡第二 秋九月流印父李福

業于番禺尋殺之

唐書福業封平武氏之  
 思用事彥範等被殺福業亦流番

禺後三思遣史捕之亡匿吉州  
 參軍敬元禮家吏捕得俱坐

景龍二年流雍州布衣常月

于嶺表 時武三思竊  
 柄將危社稷

月將以布衣上書請誅之中  
 論死黃門侍郎徐堅力救乃去 嶺表

睿宗景雲元年秋八月流宋

元龜肅后與安樂公主亂政  
 史宋之問饒州刺史冉祖雍 交通凶逆徙于嶺表

之問在武后朝以詩得  
 幸及至廣州多所題咏

先天元年秋八月癸亥流劉幽求于封州

通鑑

平公主之黨劉幽求與右羽林將軍張瞻謀以兵誅之使瞻密言於上曰竇融與崔湜岑羲者皆主得進日夜為謀不軌若不早圖一旦事起太上皇何以得安請速誅之臣已與幽求圖之惟俟陛下之命上深以為然瞻洩其謀於侍御史鄧光賓上大懼遽列上其狀丙辰幽求下獄癸亥流于封州

玄宗開元元年春正月以殿中侍御史柳澤監嶺

選○夏六月流崔湜盧藏用薛伯陽於嶺南

唐書竇懷貞既

誅崔湜與藏用俱坐私侍太平公主湜流竇州藏用瀧州薛稷之子伯陽以尚主免死流嶺南於道自殺

秋八月以劉幽求為尚書左僕射

舊唐書知軍國重事徐國公仍依舊

封七冬十月流兵部尚書郭元振于新州

通鑑上立新豐講武

於驪山之下以軍容不整坐兵部尚書郭元振於嶽下將斬之劉幽求張說跪於馬前諫曰元振有大功

於杜稷不可殺乃流新州廣州都督周利貞坐罪伏誅

冊府元龜敬暉流嶺

南時武三思遣侍御史周利貞誅殺之後拜都督崔湜前坐事當死賴劉幽求以免又為宰相陷劉幽求流封州密諷利貞殺之桂州都督王駿匿之不與未幾湜以罪誅幽求復執政利貞坐罪貶邕州刺史未幾賜死梧州時論快之

開元二年冬十二月嶺南市舶使周慶立進奇器

罪免

唐書柳澤上書曰不見可欲使心不亂是知耳可欲而心必亂矣慶立雕製詭物造作奇器

浮巧為珍玩以譎恠為異寶乃治國之巨蠹嶺南竹明王所宜嚴罰者也書奏玄宗稱善由是免嶺南竹

有華實是歲大饑

唐書嶺南竹有華實如麥竹金柑死是歲大饑氏採食之占曰國中



竹栢枯不出  
三年有變

開元三年春三月以宋璟為廣州都督始教民陶瓦

開元四年夏五月遣使求南海珠翠尋罷之續大事記遺監

察御史楊範臣求南詔內供奉左拾遺張九齡開鑿

大庾嶺新路通鑑初九齡入內以奉為上所知及為

危者二十年所踞冬十二月徵都督璟為西京留守

廣州民為璟立碑頌德璟奏止冊府元龜璟奏曰

云廣州與臣立遺愛碑以頌德紀功臣在郡日課無

所稱縱忝宣政理幸免罪戾何足書濫承恩私見在

樞密以臣光寵成彼諂諛欲華北風望自臣始

請勅廣州節停上從之於是他州皆不敢立

開元八年冬十月戊子流光祿少卿駙馬都尉裴虛

已于新州通鑑上禁約諸王不使與群臣交結光祿

私挾讖緯戊子流虛已於新州離其公主

開元十年春二月以柳無忝為韶州刺史唐書初中

外甥女王氏為皇后既廢輿貶愛州刺史高宗遣使

就愛州殺之曾孫無忝貫龔州開元初放歸蒲州勅

州刺史大有政聲歷位潭州都督丙戌嶺南按察使

裴仙先上言安南賊梅叔焉等攻圍州縣遣宦官楊

思勗討之舊唐書思勗至嶺表鳩募首領子弟兵馬

遷聞兵至惶惑計無所出擒斬之玄成即叔焉之黨

討甲戌流秘書監姜皎于欽州弟吏部侍郎晦于春  
州都水使者劉承祖于雷州通鑑初上之誅常氏也  
王皇后頗與密謀及即

位數年色衰愛弛武惠妃有寵陰謀奪嫡之志后心  
不平時對上有不遜語上愈不悅密與秘書監姜皎  
謀以后無子廢之皎洩其言嗣滕王嶠后之妹夫也  
奏之上怒張嘉貞構成其罪云皎妄談休咎杖六十  
流欽州弟晦貶春州司馬親冬十一月前廣州都督

裴袖先下獄袖先下獄上與宰相議其罪張嘉貞請  
杖之張詭曰臣聞刑不上大夫為其近  
於君且所以養廉耻也故士可殺不可辱臣嚮巡北  
邊聞杖姜皎於朝堂皎官登三品亦有微功有罪應  
死則死應流則流奈何輕加笞辱以皂隸待之姜皎  
事往不可復追袖先據狀當流豈可復昭前失上深  
然

開元十五年夏五月以光王瑊為廣州都督五府節

度使

開元十六年春正月嶺南獠反命宦官楊思勗討平

之通鑑春瀧等州獠陳行範廣州獠馮舜何遊魯反  
陷四十餘城行範稱帝遊魯稱定國大將軍南越  
王欲收嶺表以思勗為驃騎大將軍發桂州嶺北近  
道兵討之破行範於龍州擒遊魯及璘行範逃於雲  
際盤遼二洞  
追捕斬之

開元十八年春復置勤州唐書陳行範餘黨侵銅陵  
北山廣州都督耿仁忠奏

復置勤州治富林洞因以  
為縣後徙治銅陵雲浮郡

開元二十一年置嶺南採訪使○以太常卿李朝隱

判廣州事仍攝御史大夫充嶺南採訪制置使

開元二十二年夏五月戊子以張九齡為中書令同

平章事○秋八月中書令張九齡上千秋金鑑錄帝

秋節群臣皆獻寶鏡九齡述前代興廢之源為書五卷名曰千秋金鑑錄上之賜書褒美

開元二十三年春正月己丑中書令同平章事張九

齡自韶州入見求終喪不許曲江集讓起復平章表

中書侍郎同平章事者外道公望內奪私情哀憐殞絕臣伏以宰相贊理庶事陶冶太和以遂萬物苟非

所任有受其殃臣何人謬居此地况在艱疚觸緒哀迷祈天之心惟聖所體上答曰卿去歲禮闈擢受樞

密實開政本將依為相頃來升用是會宿心雖屬家艱已踰年序不存至孝誰能盡忠若墨練之義不行

蒼生之望安在此情難奪豈成命可移節宜斷哀今日便上

開元二十五年夏四月甲子貶中書令同平章事張

九齡為荊州長史監察御史周子諒暉牛仙客非其才引識書為證上怒命左右搯於

殿廷絕而復蘇仍杖之流瀼州至藍田而死李林甫言子諒張九齡所薦遂貶九齡荊州長史

開元二十六年春正月甲戌潮州刺史陳思挺謀反

伏誅唐書秋九月貶劔南節度使王昱為高要尉通鑑吐蕃

陷安戎城昱衆大敗甫貶而死

開元二十八年春二月荊州長史前中書令同平章

事張九齡卒通鑑上雖以九齡忤旨逐之然後愛重其人每宰相薦士輒問曰風度得如九

不齒

天寶元年春正月置嶺南五府經畧使

舊唐書五府經畧使治廣

州兵萬五千四百綏靜夷德統經畧清海二軍經畧在城內兵五千四百清海在恩州兵二千又置桂管治始安兵千容管治普寧兵千一百安南都護府治交州兵四千二百邕管治朗寧兵千七百凡四經畧使與經畧清海謂之嶺南五管奉改廣州為南海郡康州為晉康郡

天寶二年春正月貶同考判官禮部郎中裴臯等于

嶺南

通鑑李林甫領吏部尚書日在政府選事悉委侍郎李遙苗晉卿御史中丞張倚新得幸於上

遙晉卿欲附之時選人集者以萬計入等者六十四人倚子奭為之首安祿山言於上悉召面試之奭手持紙終日不成一字時人謂之曳白乃貶遙等為太守腦流嶺南詔廣州貢生荔枝

舊唐書楊貴妃喜荔枝以嶺南所出勝蜀產詔每歲飛馳以進北至色味不變

天寶五載春以常見素為嶺南道黜陟使○秋九月

長流常堅于臨封

通鑑初忠貞與立為太子非李林甫意故常有動推東宮之志而堅

為租庸使又太子之妃兄也隴右節度使皇甫惟明嘗為忠王友時因見上乘間勸上去林甫林甫因奏堅與惟明結謀欲共立太子堅惟明下獄皆貶流堅于臨封凡堅親黨坐流貶數十人

天寶六載春正月遣御史羅希奭如嶺南殺遷謫者

通鑑希奭既殺李邕於青州遂如嶺南時楊國忠顯政殺嶺南流人以中使傳日勅行刑畏議者嫉其酷乃以宇文審為嶺南監三月戊戌南海太守彭杲坐決處置等使活者甚衆

賊流于湊溪郡○冬十一月流術士史敬忠于嶺南

通鑑坐揚慎於家有識書以敬忠為証慎務自盡敬忠杖流嶺南

天寶九載夏四月流御史中丞宋渾於潮陽通鑑御史中丞

宋渾景之子林甫所厚也初吉温因林甫得進及楊劍遇深温遂去林甫而附劍渾弟恕犯奸温求得其罪使劍奏而逐之渾流高要恕流海康再責渾流潮陽以剪其心腹

天寶十一載流韓浩于循州尋死難贈吏部郎中州惠

志宰相韓休之子有學尚調萬年主簿坐籍王鉷家貲有隱入為鮮于仲通所劾流循州安祿山盜京師浩與弟洪渾出奔將走行在為賊所殺肅宗以人臣能死難贈浩吏部郎中

天寶十二載春正月削李林甫官爵流其子孫於嶺

南○夏五月壬辰以左武衛大將軍何復光將嶺南

五府兵擊南詔

天寶十三載秋七月勅嶺南五府貢舉冊府元龜七月勅嶺南州

縣近者頓習文傳自今以後其嶺南五府管內白身有詞藻可稱者每主選補時任令應諸邑鄉貢仍委去使准考試有堪及第者具奏聞願赴京者聽

肅宗至德元載春正月陞嶺南五府經畧討擊使為

節度使唐書領廣韶循潮康龍端新封春勤羅潘高恩雷崖瓊振儋萬安藤二十二州治廣州

至德二載春正月初以賀蘭進明為嶺南五府經畧

兼節度使○三月上皇遣使至曲江祭前中書令張

九齡通鑑上皇思九齡之先見為之流冬十二月流

張均于合浦

乾元元年夏五月改嶺南黜陟使為觀察使○秋九

月癸巳大食波斯寇廣州刺史常利見遁

唐書波斯國夷從大

食國人襲廣州焚倉庫慮舍浮海走舊唐書刺史常利見棄城而遁

寶應元年秋九月流中書舍人劉烜于嶺表秘書監

韓穎尋賜死

舊唐書坐押暹李輔國也

代宗廣德元年秋七月詔天下稅青苗錢給百官俸

○冬十一月壬寅廣州市舶使呂太一反逐其節度

使張休

舊唐書十二月甲辰宦官市舶使呂太一反逐廣南節度使張休縱兵大掠廣州

廣德二年以韶州刺史常倫兼韶連郴三州都團練

使尋貶信州司馬

舊唐書倫刺饒州朝廷以為韶州刺史兼御史中丞韶連郴三州都

團練使討呂太一之亂太一用賂反間故貶

大曆二年江西觀察使李勉會廣州節度楊慎微討

呂太一平之

舊唐書勉除江西觀察使呂太一武日昇相繼背叛勉與諸道力戰悉討平之

新唐書常倫為韶州刺史討宦者呂太一反間貶信州司馬後節度使楊慎微用判官宗仲策克復舊藩

蓋太一之亂近三年而後平

大曆四年廣州人馮崇道反容管經畧使王翊敗之

以李勉為嶺南節度使討崇道平之

冊府元龜番禺縣賊帥馮崇道

廣州通志卷之四  
桂州叛將朱濟時等阻洞爲亂累歲陷沒十餘州勉  
至遣將李觀與容州刺史王翊并力招討悉斬之五  
嶺平

大曆六年春二月王翊會廣州兵擒蠻酋梁崇奉

大曆七年冬十月召節度使李勉爲工部尚書以大

府卿呂崇賁爲嶺南節度使

大曆八年秋七月貶殿中御史楊護爲連州桂陽縣

丞舊唐書晉州男子郇謨以麻辮髮持竹筐及帚席  
哭於東市人問其故對曰有三十字請獻於上若  
無堪以竹筐貯屍棄之于野京兆府以聞上即召見  
賜衣館於禁內客省護職居左廵謨哭市不聞奏上  
以爲蔽九月循州刺史哥舒晃反殺節度使呂崇賁

匿故賊

○冬十月以江西觀察使路嗣恭爲嶺南節度使

大曆十年冬十一月節度使嗣恭克廣州哥舒晃伏

誅冊府元龜嗣恭擢流人孟瑤敬見爲裨將瑤以大  
軍當其鋒晃自間道輕入遂克廣州卒平之○文

苑英華節度副使伊慎以水陸士徒分道潛行晃之

謀主蘇渙騎將王明悅皆據要害慎曰寇不可玩乃

扼其喉而潰其腹斬首三千級下韶州明年戰于滄

江口次于交廣冬十月斬晃渙于其溪上功拜連州

長史

大曆十三年召嶺南節度使嗣恭爲兵部尚書通鑑  
上召

江西判官李泌入見因言朕百屬卿於路嗣恭而嗣

恭取元載意奏卿爲虔州別駕嗣恭初平嶺南獻瓠

璃盤徑九寸朕以爲至寶及破載家得嗣恭所遺載

琉璃盤徑尺俟其至當與卿議之泌曰嗣恭爲人小

心善事畏權勢精勤吏事而不知大體慶州別駕臣  
自欲之非其罪也且嗣恭新立大功陛下豈能以一  
玩物盤罪之邪上意乃  
解以嗣恭為兵部尚書

大曆十四年夏五月以劉晏判度支掌嶺南財賦貶

常袞為潮州刺史

初肅宗之世宰相常數人更直決  
事或各歸私第詔直事者代署名

奏之時郭子儀朱泚雖以軍功為宰相皆不預朝政  
袞獨居政事堂代二人署名奏貶中書舍人崔祐甫  
以其爭議也郭子儀朱泚表言其非罪上問卿向言  
可貶今言非罪何也二人對初不知上以袞為欺罔  
有制  
貶袞

德宗建中元年冬十月薛邕以贓貶連山尉

建中二年夏四月貶御史中丞袁高為韶州長史○

冬十月殺崖州司馬楊炎

通鑑炎廟方位值蕭嵩廟  
地盧杞譖炎云茲地有王

氣炎有異志故於其地建廟冬十月炎自左  
僕射貶崖州司馬未至崖州百里縊殺之

建中三年春二月以容管經畧使元琇為嶺南節度

使○貶趙縱為循州司馬

唐書縱為太僕卿為  
奴告下御史劾治

建中四年冬十月以姜公輔同平章事

公輔日  
南人也

冬十

二月貶盧杞為新州司馬白志貞為恩州司馬

通鑑  
李懷

光頰兵不進數上表暴揚盧杞等  
罪惡衆論喧騰上不得已貶之

興元元年春三月以饒州刺史杜佑為嶺南節度使

冊府元龜時帝在山南朝政故事往往遺脫舊嶺南  
節度常兼五管經畧使除佑時獨不兼故五管不屬



嶺南自監察御史韓泰劾嶺南選補使陳歸有罪配恩

州冊府元龜歸為考功員外郎充嶺南選補使美惡皆遠出入以意復供求無厭郵傳患之監察御史

韓泰劾之夏四月姜公輔罷為左庶子以諫唐安公主厚葬也

貞元元年春正月新州司馬盧杞移澧州別駕卒通鑑

壬戌以杞為澧州別駕竟卒冬十二月貶尚書右丞判度支元琇

為雷州司戶通鑑註初元琇判度支關輔旱食請運江淮租米以給京師上以韓滉素著威

名加江淮轉運使欲令專督運務琇以滉素性剛復難

八里自楊子以北皆琇主之滉深怒於琇及滉總度支遂逞宿心累誣奏琇至是而貶焉

貞元三年夏五月召節度使佑為尚書右丞以李復

為嶺南節度使冊府元龜復自戎州招討使為嶺南節度使會安南經畧使高正平張應

相次卒官其偏裨李元度胡懷義等阻兵黷亂州縣復誘懷義杖殺之奏元度流於荒裔勸導百姓變茅

屋為瓦舍然復典方面積聚財貨頗甚為當時所譏

貞元五年冬十一月節度使李復討平瓊州山賊拔

其城通鑑瓊州自乾封中為山賊所陷至是復遣判官姜孟宗崖州刺史張少遷攻據之

貞元八年夏四月命戶部侍郎張滂掌嶺南兩稅○

六月嶺南奏安南市易不果通鑑節度使奏言近日海舶殊異多就安南市

易欲遣判官就安南收市乞命中使一人與俱上節從之陸贄上言廣州素為衆舶所湊今忽改就安南

若非侵刻過深則必招携失所至毀擯中是將誰咎珠飛境外安可復追書曰不貴異物則遠人格豈必

重中使而輕外使奏寢不行秋九月以太子賓客薛珽為嶺南節度使

貞元九年三月貶竇參為驩州司馬

貞元十年秋八月黃洞蠻黃少卿反陷欽州以唐州

刺史楊旻為容管招討經畧使擊敗之通鑑欽州蠻酋黃少卿反

圍州城邕管經畧使公孫噐奏請發嶺南兵援之上不許遣中使諭解之至是少卿陷欽橫潯桂等州攻

公孫噐於邕州旻師兵大破之悉復侵地

貞元十一年春正月節度使珽卒以邕管經畧使王

鐔代之唐書鐔為邕管經畧使凡八年谿落安之遷嶺南節度使廣人與蠻雜處地征薄多年年

於市鐔租其廬權所入與常賦埒以為財進裒其餘悉自入諸番舶至盡有其稅於是財蓄不貲日十餘

艘載皆犀象珠琲與商賈雜出于境數年京師權家無不富鐔之財召為刑部尚書

貞元十四年九月徙太學生薛師約于連州通鑑大學生薛

師約坐言事徙連州司業陽城送之郊外上以城黨罪人左遷道州刺史

貞元十五年春二月流進士趙博宣于康州舊唐書天水趙

博宣登進士第文章俊拔陳許節度使曲環辟為從事性多忽畧環誣奏博宣受叛將吳少誠贓賂為反

間詔流康州人皆以為枉

貞元十七年夏五月以工部侍郎趙植為嶺南節度

使未幾空于官

貞元十八年秋八月嶺南節度使徐申執軍吏首惡  
文苑英華前節度使趙植卒于官軍吏乘機竊  
 發印符易置部校拔用惡少年百輩軍中幾亂  
 申至卽捕誅首惡悉原  
 諸註誤者八心遂安

貞元十九年冬閏十月貶監察御史韓愈爲陽山令

新唐史愈之貶皆以爲論官市事也  
 李翱所作行狀但言爲幸臣所惡云杖監察御史崔

遠流崖州  
綱目建中初勅城市繫囚季終委御史巡  
 按有冤濫者以聞近歲比軍移牒而已遠

遇下嚴察下吏欲陷之引八在神策  
 軍軍使奏之怒杖遠四十流崖州

順宗永貞元年秋八月貶劉禹錫爲連州刺史  
以王叔文

黨不果行冬十一月貶韋執誼爲崖州司戶  
綱目王叔文用事常執誼

自朝議郎吏部郎中授尚書左丞同平章事叔文貶  
 執誼亦自失初誼自卑官常忌諱不欲人言嶺南州  
 縣名拜相還所坐堂見北壁有圖試觀之  
 乃州圖也以爲不祥果往崖州卒於貶所十二月貶

凌準爲連州司馬  
通鑑翰林學士王叔文任用事劉  
 禹錫附之互相推獎謂伊周管葛

復出也其門晝夜如市憲宗卽位貶叔文等禹錫亦  
 出刺連州行次湖南聞命再貶朗州司馬而返凌準

連州司馬

憲宗元和元在春二月壬寅以前安南經畧使趙昌

爲廣州刺史克嶺南節度使  
舊唐書癸卯前嶺南節  
 度使徐申卒蓋申病篤

上疏請代  
 政有是命五月貶劍南東川節度使李康爲雷州司

馬嶺南節度使趙昌進瓊管儋振萬安六州六十

二洞歸降圖○禁嶺南掠良民為奴婢者

元和三年夏四月改趙昌為荆南節度使以戶部侍

郎楊於陵代之○嶺南旱○詔嶺南節度復兼潘辯

二州

元和四年夏六月禁錢不過嶺南

元和五年春二月召楊於陵為吏部侍郎舊唐書於陵為嶺南

節度使會監軍使許遂振悍及貪恣於陵奉公繁已

遂振乃以飛語聞上驚惑賴宰相裴垕為於陵申理

上乃感悟召為吏部夏四月南海民一產三子集柳

侍即遂振終自得罪宗元為廣南節度使鄭綬奏狀在臣所部貞節坊百

姓某妻產三男者臣詳究往例實謂休徵已量事給

麟羽之瑞曾何足云補三十疋克其乳養者伏以陛下勤恤黎元感通天

元和六年秋七月流前連州刺史崔簡于驩州簡字

子敬博陵人自刑部員外郎出刺連州喜餌石鍾乳

柳宗元與簡書曰前所致石鍾乳非良聞子敬所餌

與此類又聞子敬時憤悶動作宜為蠱礦燥悍所中

今再三為言者唯欲得其英精以固子敬之壽非以

知藥石角技能也簡不復省藥發耗政令無常改刺

求州未行而連之人慙簡御史按章具獄坐流驩州

元和七年夏五月大風南海溢樂府詩集是年終風

日沓潮也率三歲一有之

元和八年冬十二月丙戌以御史大夫桂管觀察使

馬總為嶺南節度使

舊唐書總先以御史中丞克安南都護本管經畧使在南海累年清蕪不撓夷獠使之於漢所立銅柱舊處以銅千五百斤特鑄柱二以繼伏波之迹以綏蠻功就加金紫轉桂管改節度嶺南尋召為刑部侍郎

元和九年三月庚申廣州妖人梁叔高伏誅

舊唐書叔高自

廣州來授書與吏部侍郎楊於陵使為已輔於陵執之以告殺之

夏五月以嶺南節

度使鄭綱為工部尚書

元和十年三月以劉禹錫為連州刺史

時禹錫得播州柳宗元曰

播州非人所居請以柳易播宰里裴度為言於上乃改禹錫連州

元和十一年黃峒蠻攻欽州容州經畧使常悅破走

之十月以崔詠為嶺南節

以使官

十二月貶董重

質為春州司戶

董重質為元濟謀主屢破官軍上欲殺之李愬奏先許重質以不死乃

敗

元和十二年春正月貶義武軍節度使渾鎬為循州

刺史

舊唐書坐討賊失律也

夏四月流進士劉師服于連州

舊唐

書坐與駙馬都尉于季友居嫡母喪懼宴夜飲

秋七月庚戌以國子祭酒孔

戣為廣州刺史嶺南節度使

冊府元龜戣為國子祭酒初廣州崔詠卒宰臣

奏議皆不可帝因謂裴度嘗有諫進鮮淡菜者詞甚忠正卿可求此人度出以訪或有言戣諫者度即日

廣州刺史

元和十三年春二月節度使錢奏加州縣官課料錢

文苑英華孔幾奏加嶺南州縣官課料錢狀右伏以前件州縣或星布海壩或斗絕荒外首領疆黠人戶

傷殘撫御緝緞充籍材幹刺史縣令皆非正員使司相承一例差攝貞廉者懇不願去貪求者苟務徇私

臣自到州深知其弊必若責之以禮莫若加給料錢今具分折如前並不破上供錢物輒陳管見務在遠

圖伏乞天恩 救嶺南徙流以下遞降一等

文苑英華劉禹錫有連州賀 冬十月流富平人梁悅于循州

韓愈議不許殺人則傷孝子之心 許則人將倚法顯殺乃流悅循州

元和十四年春正月貶刑部侍郎韓愈為潮州刺史

語在 本傳 冬十月以安南賊楊清為瓊州刺史

元和十五年春正月貶皇甫鏞為崖州司戶

通鑑鏞 市井皆相賀是年十一月嶺南奏鏞死

貶李道古為循州司馬

通鑑先 詔天下求方士宗正卿道古嘗因皇甫鏞 薦山人柳泌至是穆宗誅泌并貶道古

容管 後容管屬 嶺南西道

元和十八年冬十二月環王陷驩愛二州

環王本林 占與至是寇安南陷二州 殺其都統殺二萬餘人

穆宗長慶元年秋九月召節度使錢為吏部侍郎以

少府監崔能代之

冊府元龜或告錢在南海時家人 受賂帝不之責改右散騎常侍還

為左丞以老乞歸韓愈奏雷冬十月貶負外郎獨孤朗為韶州刺史

長慶二年春詔以助軍權停嶺南選補○秋九月長

流薛樞薛渾于崖州舊唐書襄陽公主坐罪幽于禁中樞渾以得幸於主故長流之

長慶三年夏四月以鄭權為嶺南節度使通鑑綱目宦者王守

澄用事工部尚書鄭權家多姬妾祿薄不能贍用重賂通於守澄以求節鎮遂得嶺南既到鎮淫刑峻法措聚財貨用償恩力俾小吏部送京國分遺權幸輦運纜至而摧死當其議者莫不鄙之秋七月

丙寅黃峒蠻破欽州千金鎮刺史楊嶼棄城遁

長慶四年春正月丁卯嶺南奏黃峒蠻寇欽州殺將

吏○二月貶李紳為端州司馬綱目初穆宗既晉李紳李逢吉愈忌之紳

族子虞自以書與從父者使薦已紳聞而謂之虞深怨之悉以紳平日密論逢吉語告之逢吉益怒使虞與從子仲言及補闕張又新同求紳短敬宗即位逢吉令王守澄言於上曰陛下之所以為儲貳逢吉力也如杜元穎李紳輩皆欲立深王上時年十六疑未信會逢吉亦言紳謀不利於上請加貶謫乃從之常處厚上疏指述紳為逢吉之黨所讒上稍開悟會閱禁中文書有穆宗所封一篋發之得裴度杜元穎及紳請立上為太子疏上乃嗟嘆

敬宗寶曆元年冬十月流李涉于康州茅彙于崖州

唐書武昭者從裴度鎮太原罷歸怨望與太學博士李涉金吾參軍茅彙氣俠相許逢吉與李程同執政不叶或謂昭曰程欲用君顧逢吉持不可昭愈憤酒會語人欲刺逢吉為人所告昭彙皆下獄命三司鞠

之獄成昭榜死彙  
流崖州涉棗州

邕州刺史崔浩擊欽州黃崗蠻大

破之黃昌璿等

寶曆二年春三月嶺南節度使崔植奏廣潮封雷潘

辯等七州戍軍除折衝別將外並請停從之○夏五

月癸未遣中使往嶺南諸州訪求異人○冬十一月

以戶部尚書胡証為嶺南節度使冊府元龜証措欽  
財貨起甲第連亘

問巷車服器用窮極豪侈議者罪之其後甘露之  
變禁兵以証家鉅富利其財入其家殺其子殷

十二月流道士趙歸真于嶺南舊唐書十一月以太  
清宮道士趙歸真充

兩階道門都教授博  
士文宗卽位乃流之

文宗太和元年春正月辛丑以前嶺南節度使崔植

為戶部尚書○秋九月貶諫議大夫柏耆為循州司

戶李同捷叛兩河潘帥加兵滄德同捷求降耆宣諭  
訖與節度使李昭謀耆乃帥騎入德州取同捷赴

京諸將言耆邀功爭論列上不獲已貶耆內官馬國

亮又奏耆取同捷婢九人再命長流愛州尋賜死

太和二年冬十月以江西觀察使李憲為嶺南節度

使舊唐書胡証  
以憲代之

太和二年秋七月以京兆尹崔護為嶺南節度使舊  
唐

書李憲卒九月貶西川節度使杜元穎為循州司馬

判官崔璜為連州司馬舊唐書南詔蠻攻  
掠成都坐罪故貶

廣通志 卷之四 二十七 音干



太和五年春二月丙申以桂管觀察使李諒為嶺南節度使

太和七年春三月節度使諒卒以太府卿崔珙為嶺南節度使未行以右金吾衛將軍王茂元代之

太和八年詔弛南海番舶之稅冊府元龜詔曰南海番舶宜委觀察使除船脚收市進奉外任其來往自為交易不得加稅

太和九年夏四月以桂管觀察使李從易為嶺南節度使舊唐書王茂元改河陽節度使以從易代之秋七月貶戶部郎中楊

敬之為連州刺史侍御史李其為封州司馬蘇特為潘州司戶唐書時人皆言鄭注朝夕且為相侍御史李其揚言於朝曰白麻出我必壞之於庭故及於貶敬之八月再貶虔州長史李宗閔為潮州

司馬舊唐書宗閔自山南西使相入為同中書門下平章事甫暮月京兆尹楊虞卿坐妖言人皆以為寬宗閔於上前極言論列上冬十一月貶段嶷為

循州司馬竇紉為司戶通鑑余軍段嶷秀實之孫其露後請原其死故貶紉宰相竇直之子妻父王涯被禍宦官知紉易直子得不死增嶺南茶稅

開成元年冬十二月以華州刺史盧鈞為嶺南節度使

武宗會昌元年春三月貶湖南觀察使楊嗣復為潮

通鑑李從易卒以鈞代之宰相李石言於上曰盧鈞除嶺南朝士皆相賀鈞至鎮以清惠著名

州刺史

通鑑中尉興寧仇士良立武宗非宰相意門下侍郎同平章事楊嗣復罷為吏部尚書尋

出為湖南觀察使士良遣中使就潭州殺之戶部尚書杜琮奔見宰相李德裕曰天子年少新即位茲事

不宜手滑德裕等三上奏召入德裕三月貶裴秉直等力抹之乃更貶嗣復為潮州刺史

驩州司馬

會昌三年安南亂經畧使武渾奔廣州

通鑑渾後將士治城將士

作亂燒城樓劫府庫渾奔廣州監軍段士則撫安亂衆

會昌四年夏六月貶牛僧孺為循州長史流李宗閔

于封州

綱目李德裕以太和中吐蕃維州守將以城降為牛僧孺所沮至是澤潞節度使劉從諫

卒軍中以其姪積權留後德裕請討積平之河南少尹呂述與德裕書言僧孺聞積破失聲嘆恨德裕奏

之上大怒貶僧孺等初甘露之亂李訓王涯賈餗等子弟數人皆歸從諫至是皆為郭誼所殺德裕復下詔稱逆賊涯餗已就誅義誅其子孫識者非之

會昌五年遣中使迎道士鄧元起於嶺南秋八月壬

午大毀佛寺勒僧尼為民

舊唐書時道士趙歸真特承恩禮諫官上疏論之歸

真自以涉物論遂舉羅浮道士鄧元起有長年之術帝遣中使迎之由是與衡山道士鄧玄靖及歸真膠固排毀釋氏可拆寺之請行焉

會昌六年春二月貶舒州刺史蘇滌為連州刺史

舊唐書李宗

閔黨也夏四月趙歸真伏誅流山人軒轅集于嶺南

○秋八月以循州司馬牛僧孺為衡州長史封州流

人李宗閔為郴州司馬恩州司馬崔琪為安州長史

潮州刺史楊嗣復為江州刺史昭州刺史李珣為郴

州刺史通鑑五相皆武帝所貶至是同日遷宗閔未離封州卒嶺南節度使盧

貞表孝子王博武墓語在陵墓志

宣宗大中元年冬十二月戊午貶太子少保分司李

德裕為潮州司馬明年再貶崖州司戶竟卒貶所

大中二年春正月貶中書舍人崔嘏為端州刺史通鑑

坐草李德裕詔不盡言其非貶鄭亞為循州刺史陸渾縣令元壽

為韶州司戶綱目吳汝訥訟其第相枉殺故貶壽以原問官連坐

大中五年春二月開建莫宣卿狀元及第宣卿少在詩名嶺南

自宣卿始狀元及第秋七月嶺南節度使常正貫卒見名宦傳

大中六年冬十月貶驍衛將軍張直方為恩州司戶

通鑑直方坐以小過屢殺奴婢

大中九年春二月貶嶺南節度使紇于裒為慶王府

長史東觀奏記裒以貪猥聞貶慶王府長史分司東都制詞有跡固異於滄臺道殊乖於吳隱等語

舍人韓琮之詞也以常曙為嶺南節度使

大中十一年冬十月遣使迎軒轅集於羅浮山舊唐書左

補闕陳轍左拾遺王譜右拾遺薛廷傑上疏諫遣中使往羅浮山迎軒轅先生至京訪以治國治身之要

其技術詭異之道未嘗措言集有道之士也十三年  
堅求還山上曰先生捨我亟去國有災乎朕有天下  
竟得幾年集取筆寫四十字  
而十字挑上乃十四年也

大中十二年春正月節度使曙卒以福州刺史楊發

代之○夏四月庚子嶺南軍亂逐其節度使楊發詔

以李承勛為節度使討平之通鑑嶺南都將王令寰  
作亂因發五月以涇原

節度使李承勛為嶺南節度  
使發鄰道兵討亂者平之

懿宗咸通元年冬十二月雲南蠻陷交趾命嶺南五

管調兵戍之

咸通二年夏六月貶安南都護李鄴為儋州司戶尋

流崖州

通鑑李鄴自武州收集軍士攻群蠻復取安  
南朝廷責其失守故貶鄴初至安南殺蠻酋

杜守澄其宗黨遂誘導群蠻攻  
陷交趾再糾鄆罪長流崖州

咸通三年夏五月分嶺南為東西道東道治廣州西

道治邕州以邕管經畧使鄭愚為廣州刺史充嶺南

東道節度使

舊唐書勅嶺南分為五管誠已多年居  
常之時同資禦捍有事之際要別改張

邕州西接南蠻深據黃岡控兩江之衝俗居數道之  
游民比以委人太輕軍威不振境連內地不並海南  
宜分嶺南為東西道別擇良吏付以節旄以邕管經  
畧使鄭愚為廣州刺史充嶺南東道節度使兼觀察  
處置等使將軍宋戎為嶺南西道節度使○唐詩紀  
事愚廣州人時宋戎以安南方亂憚行而愚以本貫  
難於行事遂  
以蔡京代戎冬十二月嶺南西道節度使蔡京為軍

士所逐詔以鄭愚代之○以江西觀察使常宙為嶺

南東道節度使

綱目左庶子蔡京性貪虐多詐時相以為有吏才奏遣制置嶺南事嶺南

舊分五管廣桂邕容安南皆隸嶺南蔡京請分為兩道以廣州為東道邕州為西道使常宙及京分領之京尋以貪暴為軍士所逐詔以鄭愚代之

咸通四年春正月雲南蠻寇安南招討使蔡襲死之

○二月弛蕪州採珠禁

舊唐書制蕪州珠池與人共利近聞本道禁斷遂絕通商

宜令本州任百姓採取

以高駢為安南經畧招討使○秋七月

詔福建餽運至廣州

通鑑時安南蠻反諸廣兵援之屯聚嶺南餽運勞費潤州人陳

磻石上言請造千斛大船自福建運米從海一月至廣州從之運食以足以宋戎為安南

都護

咸通七年夏高駢大破南詔蠻復取交趾

捷奏上喜加駢檢校

工部尚書仍鎮安南

冬十月以高駢為靜海軍節度使

靜海乃安南地

咸通八年秋八月貶宣歙觀察使楊收為端州司馬

收弟御史中丞嚴為韶州刺史

通鑑宣歙觀察使楊收過華嶽廟施衣物

使臣祈禱誣以為收罪右拾遺常保衡復言收前為相除嚴譔江西節度使免錢百萬長流譔於嶺南○唐書其黨揚公慶嚴季實揚全益史明庶遂何師玄李孟勳馬全右李羽王彥復等長流儋崖播等州判官朱侃常潯閩均等配流嶺南冬十二月加嶺南東道節度使常宙

同平章事

通鑑南蠻作亂宙奏蠻必向邕州請分兵屯容藤二州時諸道兵援安南者屯聚嶺

南多煩擾故也

咸通九年夏六月癸卯以翰林學士承旨戶部侍郎

劉瞻同中書門下平章事瞻連州桂陽人秋八月貶

同中書門下平章事劉瞻為康州刺史右諫議大夫

高相為高州刺史比部郎中楊知至為瓊州司馬禮

部郎中魏管為春州司馬刑部員外郎崔彥融為雷

州司戶舊唐書湘等並坐與瞻親善為常保衡所逐也瞻在相位用知至知制誥故坐貶後瞻起

亦入為諫議大夫貶左拾遺崔庚為連州司戶舊唐書和州刺史崔雍縱

族黨賊庚坐

咸通十年六月流端州司馬楊收于驩州尋賜死通鑑

收長流驩州與嚴譔尋皆賜死於路其僚屬黨交坐

長流嶺表者十餘人初尚書右丞裴坦子娶收女資

送甚盛器用飾以犀玉坦見之怒曰破十一月流陳

我家矣立命壞之已而收竟以賄敗十一月流陳

是無敢言者

咸通十一年春正月貶康承訓為恩州司馬通鑑

衡上言康承訓討龐勛時逗撓不進又不能盡其餘

黨又貪虜獲不時上功辛酉貶蜀王傳分司尋再貶

恩州南詔進新軍竇滂以二月貶竇滂為康州司戶四千人奔漢州就援

軍以自存時成都日望援而滂自以失秋九月貶劉

地欲西川相繼陷以分其責故後貶之

瞻為驩州司戶温璋為振州司馬

綱目劉瞻罷為荆南節度使温璋敗

振州司馬璋嘆曰生不逢時死何足惜仰藥卒常保衡又與路巖共譖劉瞻云與醫共謀投毒藥貶康州刺史翰林學士承旨鄭畋草制曰安數畝之居仍非已有却四方之路惟畏人知巖謂畋曰侍郎乃表薦劉相也坐貶梧州刺史巖素與瞻論議不協既貶猶不快閱十道圖以驩州去長安萬里再貶之

十二月以汴州刺史鄭從讜為嶺南東道節度使

咸通十三年夏四月貶太府少卿崔元應于嶺南

司業常殷楛告郭淑妃弟陰事上大怒杖殺殷裕籍沒其家殷裕妻父元應妻從兄中書舍人崔沆季父君卿皆貶嶺南給事中杜裔坐與殷裕善亦貶端州司戶時駙馬常保衡為宰相亦就逮

咸通十四年夏五月貶駙馬常保衡為雷州刺史于

琮為韶州刺史崔沆為循州司戶翰林學士承旨張

勗封州司馬左金吾衛大將軍李敬伸儋州司戶

通鑑

五月丙子子貶山南東道節度使于琮為普王傳分司常保衡譖之也尋再貶琮為韶州刺史琮妻廣德公主上之妹也與琮偕之韶州行則肩輿門相對坐則執琮之帶琮由是獲全時諸公主多驕縱惟廣德動遵法度事于氏宗親尊卑無不如禮內外稱之沆宰相鉉之子與琮同貶楊等亦皆琮親黨也冬十月貶常保衡為崖州程邁令通鑑尋召于琮為太子少傅緣琮逐者並放還舊唐書八月懿宗崩普王儼即位是為僖宗逐保衡移于琮自韶改岳州刺史在道召為太子少傅緣琮貶逐者並放還循州司戶崔沆復為中書舍人前兵部侍郎知制誥翰林學士張勗為太子賓客前諫議大夫高湘復為諫議大夫前宣歙觀察使楊嚴復為

給事 十一月貶路巖為新州刺史

綱目巖喜聲色遊宴在西川委政於

親吏邊威郭壽軍中不安坐貶尋賜死

十二月免嶺南東道水旱州縣

租賦

唐書是月震電癸卯大赦

僖宗乾符元年春正月召節度使從謹為刑部尚書

以吏部侍郎常荷代之三月詔稅嶺南鹽鐵

唐書宰相鄭畋

請以嶺南鹽鐵委廣州節度使常荷歲煮海取鹽直四十萬緡市度吉米以贍安南罷荆洪等漕後軍食

遂夏五月乙未以刑部尚書劉瞻復為中書侍郎同

中書門下平章事八月辛未瞻卒

通鑑以號州刺史劉瞻為刑部尚書

瞻之貶也人無賢愚莫不痛惜及其還也長安兩市人率錢雇百戲迎之瞻聞之收期由他道而入夏五

月乙未裴坦薨以劉瞻為中書侍郎同平章事初瞻南遷劉鄴附於常路共短之及瞻還為相鄴內懼秋

八月丁巳朔鄴延瞻置酒於鹽鈇院瞻歸而遇疾辛未薨時人皆以為鄴鳩之也

乾符三年冬十一月貶太常少卿崔渾為康州刺史

乾符六年春正月鎮海節度使高駢遣將分道擊黃

巢破之巢趣廣南○夏五月黃巢陷廣州嶺南東道

節度李迢死之

唐書高駢遣將擊黃巢屢破之巢趣廣南陷廣州市舶寶貨所聚豈可令賊得之宰

使朝議以為廣州市舶寶貨所聚豈可令賊得之宰相于琮請除巢率府從之巢得告身大怒攻廣州陷

之執節度李迢使草表迢曰予世受國恩親戚滿朝腕可斷表不可草遂殺之

中和元年秋九月貶高潯為端州刺史



中和三年夏六月以廣州牙將劉謙為封州刺史

通鑑

丞相常宙出鎮南海有小將劉謙氣宇殊異宙以從女妻之曰此人非常流也他日吾子孫或可依之謙擊群盜屢有功拜封州刺史常夫人生二子曰隱曰台庶出季子曰巖此南漢創業之自也

中和四年秋七月壬午尚讓敗黃巢于瑕丘巢伏誅

光啓元年春三月赦天下改元詔嶺南

通鑑時朝廷號令所行惟

河西山南劔南嶺南數十州而已

光啓二年夏五月以呂用之為嶺南東道節度使

唐書

云呂用之建牙開府一與高駢同凡將校腹心能同事者逼以從已不復容稟駢頗疑之欲奪其權而無如之何用之亦懼訪於其黨鄭杞杞曰寧我負人無人負我

光啓三年流田令孜於端州

今孜依陳敬瑄不肯行

文德元年春三月以捧日都頭陳珮為嶺南東道節

度使同平章事

通鑑時李茂貞跋扈上以武臣難制欲用諸王代之故加恩解兵柄今赴

鎮

昭宗大順元年冬十月以檢校戶部尚書劉崇龜為

嶺南東道節度使兼觀察處置等使

舊志崇龜至廣州始脩理城隍

拊恤瘡痍嶺海靖安民夷賴之

景福二年八月貶杜讓能雷州司戶

冬十月殺之從李茂貞之請也

乾寧元年冬十月貶水部郎中劉崇魯為崖州司戶

唐書李磎拜相宣制之日崇魯出班泣言磎姦邪黨附宦官不可居輔弼之地由是制命不行坐失儀貶

十二月封州刺史劉謙卒節度使崇龜表其子隱為

封州刺史通鑑封州刺史劉謙疾病召諸子曰今五嶺盜賊方興吾有精甲器械爾勉建功時

哉不可失也謙卒其子隱居喪衆共推為嗣嶺南節度使劉崇龜表為封州刺史

乾寧二年春三月陞嶺南東路節度使為清海軍節

度使○秋九月節度使崇龜卒

乾寧二年春正月以左僕射崔胤兼廣州刺史清海

軍節度使不拜以薛王知柔代之舊唐書知柔以檢校司徒兼嶺南東

道觀察處置等使未往尋以中書侍郎同平章事崔胤代知柔朱全忠再表論奏崔胤不宜去位於是復知

政事知柔仍鎮嶺南冬十月以劉隱為清海行軍司馬通鑑清海節度

使薛王知柔行至湖南廣州牙將盧瑒譚弘玘據境拒之使弘玘守端州弘玘結封州刺史劉隱許妻以

女隱偽許之託言親迎伏甲林中夜入端州斬弘玘具軍容迎知柔入視事知柔表隱為行軍司馬俄遷

副使

乾寧四年韶州刺史曾衮攻廣州行軍司馬劉隱擊

破之通鑑衮舉兵攻廣州州將王壤帥戰艦應之清海行軍司馬劉隱一戰破之韶州將劉潼復據

滇洽隱討斬之

光化二年冬十一月湖南帥馬殷遣其將李瓊攻連

州取之殺刺史魯景仁

光化三年秋九月以徐彥若為清海節度使通鑑綱目時藩鎮皆為疆臣所據惟嗣薛王知柔在廣州乃才代之乙巳以彥若同平章事充清海軍節度使冬十二月薛王知柔卒

天復元年冬十二月清海軍節度使徐彥若卒遺表節度副使劉隱權留後

天復二年虔州刺史盧光稠攻嶺南陷韶州劉隱擊之敗績通鑑光稠出師使其子延昌守虔進圍韶州清海劉隱發兵擊走之乘勝進攻韶州隱弟沙以為延昌有虔州之援未可遽取隱不從遂圍韶州會江漲餽運不繼光稠自虔州引兵救之其將譚全播伏精兵萬人於山谷以羸弱挑戰大破隱于城南隱奔還全播悉以功讓諸將光稠益賢之○五代史

隱攻韶州其弟巖曰韶州所賴者光稠擊之虔人必應應則首尾受敵不宜直攻而可以計取隱不聽果敗而歸因盡以兵事付巖

天祐元年以崔遠為清海軍節度使受命不行○冬

十二月朱溫以劉隱為清海軍節度使通鑑遠畏隱之以賂結朱溫溫遂以隱為節度使

景宗天祐二年梁朱溫開平元年夏四月甲子朱溫篡唐劉

隱稱藩於溫通鑑時晉岐淮南蜀用唐天祐年號餘皆臣於梁五月己卯溫

加隱檢校太尉兼侍中封大彭王冊府元龜隱進奇寶名藥品類甚多溫甚喜之

梁開平二年 梁以隱無靜海軍節度使安南都護

梁開平三年 夏四月庚子温進封隱南平王 五代史加檢 按太師兼中

書

梁開平四年 冬十二月鎮南晉後盧延昌表其將廖爽為

韶州刺史○隱遣弟巖攻高州不克 通鑑黃巢之寇 嶺南也唐高州

刺史劉昌魯帥群蠻據險以拒之巢衆不敢入境唐 嘉其功以昌魯為高州防禦使劉隱據嶺南昌魯不 從隱遣弟巖攻高州昌魯破之魯自度終非隱敵是 歲致書請自歸於楚楚王殷以昌魯為永順節度副

使昌魯 割人也

梁乾化元年 春二月丁亥劉隱卒弟巖嗣 五代史隱父子 起封州遺世多

故數有功於嶺南遂有南海隱復好賢士壬定保倪 曙劉濬李衡周傑楊洞潛趙光胤之徒隱皆紹禮之 定保容魯巡官曙唐太學博士濬崇望之子衡德裕 之孫唐右補闕皆辟至幕府待以賓客傑善星曆唐 司農少卿洞潛初為魯巡官秩滿客南海隱以為 節度副使及龔潛號為陳吉凶禮法為國制度畧有 次序皆用此數人乾化元年進封隱南海 王是歲卒年三十八謚曰襄弟巖襲位 冬十一月

廣州獲白鹿 冊府元龜隱廣南管内獲白 鹿圖形獻于朱温耳有兩缺

梁乾化二年 春正月温以巖為清海軍節度使檢校太保

同平章事 五代史巖謙庶子也其舅段氏生巖於外 舍謙妻常氏素妬聞之怒拔劍而出命持

巖至將殺之及見而怪劍輒墮地良久曰此非常兒 也後三日卒殺段氏養巖為已子及長善騎射身長 二尺垂手過膝隱為行軍司馬巖亦辟 薛王府諮議參軍隱鎮南海巖為副使 夏四月巖遣

使貢獻于温温使常堅報之

冊府元龜廣州獻金銀犀角象牙雜寶貨及名

香等合估數十萬是月客省引進使常堅使廣州及還以銀茶上獻其估凡五百餘萬明年温遂加嚴檢

校太廣州言白龍見

梁乾化三年

秋七月朱瑱封嚴為南海王

五代史未帝即位悉以隱官爵

授之海一作平

嚴擊取高州殺劉昌魯

五代史嚴悉平諸寨殺昌魯等更置刺史

梁朱瑱乾化四年

春二月嚴遣陳用拙使吳越

連州志用拙唐天祐元年

進士能詩

廣州始與梁絕

通鑑嚴以吳越王鏐為國王而巳獨為南平王表求封南越不

許嚴謂僚屬曰今中國紛紛孰為天子安能掬航萬里遠事偽庭乎出是貢使遂絕

嚴擊取容

管及潮韶二州

五代史時桂州劉士政邕州葉廣畧容州龐巨昭交州曲顛分據諸管嚴

大出兵攻敗盧氏取潮州韶州又西與馬殷爭容括管虜士政逐巨昭又取容官降廣畧未服者交州而巳

梁貞明三年南漢高祖劉巖乾亨元年

秋八月癸巳嚴稱越帝改元追

尊其祖安仁為太祖文皇帝父謙為代祖聖武皇帝

兄隱為烈宗襄皇帝立宗廟署百官以廣州為興王

府○嚴署趙光裔楊洞潛李衡倪曙同平章事

通鑑以梁

使趙光裔為兵部尚書節度副使楊洞潛為兵部侍郎同平章事

嚴建玉堂珠殿

五代

史嚴性聰悟而苛酷為刀鋸支解剝剔之刑又好奢侈聚南海珍寶以為珠堂玉殿

嚴作水獄

梁貞明四年南漢乾亨二年

冬十一月嚴祀天南郊大赦境內改

國號漢

五代史嚴初欲僭號憚王定保不從遣定保使荆南及還懼其非已使倪曙勞之

梁貞明五年南

漢乾亨三年 嚴號其妻越國夫人馬氏為皇后

通鑑

也

梁貞明六年南

漢乾亨四年 春正月嚴始立學校設選舉

五代史放明經

進士十餘人如唐故事

梁龍德二年南

漢乾亨六年 夏四月嚴如梅口

通鑑嚴用術者言遊梅口鎮以

避災其地○九域志梅州程鄉縣有梅口鎮與閩之汀州接壤

唐莊宗李存勗同光元年南

漢乾亨七年 冬十月唐滅梁嚴使如唐

通鑑嚴聞

唐威梁大懼遣宮苑使何詞入貢覘疆弱詞還言帝驕淫無政不足畏嚴大悅

唐同光二年南

漢乾亨八年 嚴更名陟○陟作南宮

五代史王定保獻南宮七

奇賦以羨之舊志在今仙湖白蓮池其前為藥洲

唐同光三年南

漢白龍元年 秋白龍見于南宮陟改元○陟更名

龔五代史白龍見南宮三清殿改元白龍又更名曰龔以應龍見之祥

唐天成三年南

漢大有元年 春三月龔改元楚人攻封州龔遣右

衛使蘇章率兵擊之

通鑑楚大舉水兵擊漢圍封州漢主以周易筮之遇大有於是

大赦改元大有命左右衛使蘇章將神弩軍三千戰船百艘救封州章至賀江沉鐵絙楚船不能進退以強弩夾水射之楚兵大敗解圍 羅浮山民獲古劍文遁去漢主以章為封州團練使 通考羅浮山民掘得古劍有篆文曰丁與水同宮王將耳口同尹來居口上山岫獲重重以獻漢主龔國

人莫之辯及平廣南競傳其言者云宋太祖以丁亥  
年降誕是丁水同宮也於文耳口王為聖尹口為君  
重山為出蓋丁亥  
年而聖君出也

唐長興元年南  
漢大有三年 **龔遣將李守鄴梁克貞取交州** 五代史擒

曲承美承美至南海龔登儀鳳樓受俘謂承美曰公  
常以我為偽庭今面縛何也承美頓首伏罪乃赦之

克貞又攻占城  
掠其寶貨而歸

唐長興二年南  
漢大有四年 **交州亂龔遣其將程寶討之敗死** 續大

事記愛州將楊延藝  
據交州討之不克

唐長興三年南  
漢大有五年 **龔封其丁十九人為王** 五代史燿樞  
邕王龜圖康

王弘度秦王弘熙晉王弘昌越王弘弼齊王弘雅韶  
王弘澤鎮王弘操萬王弘果循王弘暉恩王弘龜高

王弘簡同王弘建益王弘濟辨王弘道  
貴王弘照宜王弘政通王弘益定王

唐愍帝李從厚應順  
元年南漢大有七年 **冬龔所署同平章事楊洞潛卒**

通鑑先是漢主命秦王弘度募宿衛兵千人皆市井  
無賴弘度昵之洞潛諫曰秦王國家嫡宜親端士使

之治軍已過矣况昵群小乎漢主不聽洞潛出見衛  
士掠商人金帛不敢訴漢曰政亂如此安用宰相因

謝病歸  
至是卒

晉高祖石敬瑭天福  
元年南漢大有九年 **龔遣將軍孫德晟攻象州不克**

通鑑馬希範以步騎五千  
禦之漢兵自蒙州引去

晉天福三年南  
漢大有十一年 **春三月龔遣子弘操帥師取交州不**

克敗死 通鑑交州將皎公羨殺安南節度使楊延藝  
而代之至是延藝故將吳權舉兵攻公羨公

羨以賂求救于漢漢主龔欲乘其亂而取之封子弘  
操為交王將兵救公羨弘操戰死龔乃收餘衆而還  
先是著作即侯融勸龔咄兵息民  
至是兵不振追咎融剝棺暴其屍

晉天福四年南漢大有十二年春正月龔使諫議大夫李紱聘楚○

冬龔所署同平章事趙光裔卒復以其子損代之

是歲漢門下侍郎同平章事趙光裔言於漢主曰白  
馬后崩未嘗通使於楚親儻舊好不可忘也因薦諫  
議大夫李紱可以將命漢主從之楚亦遣使報聘光  
裔相漢十餘年府庫充實邊境無虞及卒漢主復  
以其子損翰林學士承旨尚書  
左丞為門下侍郎同平章事

晉天福六年南漢大有十四年冬十二月龔更名龔通鑑漢主龔更  
名龔漢主寢疾

有胡僧言讖書滅劉氏者龔也龔乃採周  
易飛龍在天之義自造字曰龔以名焉

晉天福七年南漢大有十五年夏四月丁丑龔卒子弘度

嗣更名玠以弟弘熙輔政五代史龔子耀樞龜圖省  
早死至是寢疾以子秦王

弘度晉王弘熙皆驕恣次子越王弘昌孝謹有志識  
臥寢中召右僕射兼西御院使王翽謀與語呼弘度  
弘熙小字曰壽雋雖長然皆不足任吾事惟弘昌類  
我吾欲立之奈何吾子孫不肖後世如鼠入牛角勢  
當漸小耳因泄下欲歛翽為龔謀出弘度邕州弘熙  
容州然後立弘昌為太子議已定會崇大使蕭益入  
問疾以其事訪之益曰立嫡以長遠之必亂乃止龔  
為人辯察多權數好自矜奢極麗宮殿悉以金玉珠  
翠為飾用刑慘酷有灌鼻割舌支解剗剗炮炙烹蒸  
一法或聚毒蛇於水中以罪人投之謂之水獄揚洞  
潛諫不聽末年猶猜忌以土人多為子孫計故專任  
宦者由是宦者太盛及殂弘度即位更名玠以弘熙  
輔政謚龔曰玠號龔廟為高祖陵為康陵○玠號其  
天皇大帝



昭儀趙氏為皇太妃○秋七月循州盜張遇賢起

珍遣其弟弘昌弘杲帥師討之不克博羅縣民家

更張遇賢事之甚謹時循州盜賊群起莫相統共

求於神神乃言曰張遇賢當為汝主於是群帥共奉

遇賢稱王改元攻掠海隅遇賢年少無他方畧諸將

但告進退而已漢主遣越王弘昌循王弘杲討之戰

不利為賊所圍指揮使陳道庠等力戰救之得冬十

免東方州縣多為遇賢所陷道庠端州人也冬十

月丙子張遇賢陷循州殺刺史劉傳五代史遇賢自

攻陷循州玠遣越王弘昌循王弘杲攻之遇賢圍弘

昌等必錢帛館禪將萬景忻陳道庠力戰挾二王潰

圍而走嶺東皆亂

晉出帝石重貴天福八年南漢光天二年中宗劉晟乾化元年

春三月弘熙使陳道

庠劉思潮弑其主玠遂自稱帝改元更名晟通鑑玠

親政事居喪無禮左右忤意輒死無敢諫者惟越王

弘昌及內常侍吳懷恩屢諫不聽弘熙欲圖之乃盛

飾聲妓娛悅其意以成其惡玠好手博弘熙令指揮

使陳道庠引力士劉思潮譚令裡林少疆林少良何

昌庭等五人習手博掖玠因拉殺之道庠盡殺其左

右明日百官諸王莫敢入宮越王弘昌率諸弟臨於

寢殿迎弘熙即位更名晟改元應乾晟以其弟弘昌為太尉兵馬元帥

知政事弘杲為副元帥通鑑陳道庠及劉思潮等皆受賞賜甚厚晟封劉

思潮等為功臣○晟殺其弟弘杲通鑑晟既立國中

杲請斬劉思潮等以謝中外不從思潮等聞之諧弘

杲謀反斬之於是漢主盡誅諸弟以越王弘昌賢而

得衆尤冬十月晟命其弟韶王弘雅致仕○晟指揮

忌之

使萬景忻敗張遇賢於循州通鑑遇賢告于神神曰取虔州則大事可成遇

賢帥衆踰嶺趣虔州唐伯勝節度使賈匡浩循州盜不爲備遇賢衆十餘萬攻陷諸縣再敗州兵

張遇賢侵唐境唐遣兵擊斬之虔州人白昌裕勸衆軍邊鎬伐木開道出

其營後襲之擒遇賢斬於金陵市十一月丁亥晟祀天南郊改元五代

史晟郊祀改元曰乾和群臣上尊號曰大聖文武大明至道大光孝皇帝

晉開運元年南通鑑晟命中書令都元帥春三月晟殺其弟弘昌

越王弘昌謁烈宗陵於海書今都元帥晟以戶部侍郎陳偓同平

曲至昌華宮使盜殺之五代章事○邕州言鳳凰見晟殺其弟弘澤于邕州史

澤居邕州有善政是歲鳳凰見邕州晟怒使人鳩殺之

晉開運二年漢乾和三年春晟殺其弟弘雅

漢乾和四年晉開運三年秋九月晟殺劉思潮林少疆林少良何

昌庭出左僕射王翽爲英州刺史尋殺之通鑑以翽嘗與高祖

謀立弘昌出爲英州刺史未至賜死內外皆懼不自保晟夷陳道庠鄧仲族通鑑

劉思潮等既死陳道庠內不自安特進鄧仲遺之漢紀道庠問其故仲曰慙僚此書有誅韞信醢彭越事

宜審讀之漢王聞之族道庠及仲伸父璫道庠之舊友

漢高祖劉暠天福十秋八月晟殺其弟八人晟作離

宮及生地獄通鑑晟恐諸弟與其子爭國殺濟王弘

濟同王弘簡益王弘建恩王弘偉宜王弘照盡殺其男子納其女充後宮作離宮千餘間飾以珠寶設鑊

湯鉄床劓剔等刑號生地獄嘗夜飲大醉戲以瓜置

伶人尚王樓項拔劍斬之明日酒醒復召王樓侍飲

左右白已殺之晟歎息而已○是歲荆南

高季興卒子從誨立南漢閩吳蜀皆稱帝

漢乾祐元年南漢乾和六年

晟遣工部郎中鍾允章聘楚求婚楚

不許通鑑晟遣工部郎中知制誥鍾允章聘楚求婚

曰馬氏兄弟方爭亡於不暇安能害我南土漢主曰

然希廣儒而吝其士卒忘戰日久此吾進取之秋也

冬十二月晟如英州九域志廣州北至英州四百二十里

漢隱帝劉承祐乾祐三年南漢乾和八年

冬十二月晟以宮人盧瓊仙黃

瓊芝為女侍中通鑑瓊仙等為女侍中朝賜冠帶參

官林延遇决政事宗室勲舊誅戮殆盡惟任官

等用事

周太祖郭威廣順元年南漢乾和九年

冬十月晟遣內侍潘崇徹帥師

伐楚取郴州通鑑晟遣內侍省丞潘崇徹將軍謝貫

唐兵於宜章遂取郴州邊鑄發兵救之崇徹敗

除全道二州刺史以備南漢五代史

志遣巨艦指揮使暨彥贊以兵入海掠商人金帛作

離宮遊獵故劉氏時有南宮大明昭華日泉玩華秀

華王清太微諸宮十一月晟遣巨象指揮使內侍吳懷恩帥

師取楚連州又取桂州盡有嶺南地通鑑楚靜江節

馬希隱武穆王殷之少子也楚王希廣希萼兄弟爭

國晟以內侍吳懷恩為西北招討使將兵屯境上伺

間密謀進取希廣遣指揮使彭彥暉將兵屯龍崗以

備之蒙州刺史許可瓊引兵趨桂州吳懷恩據蒙州

進兵侵掠桂管大擾希隱可瓊不知所為但相與飲

酒對泣晟問鍾允章湖南大亂允章具言楚可攻之

廣東通志

卷之四

四二

音九

伏晟乃遣巨象指揮使吳珣內侍吳懷恩攻賀州已  
克之楚人未救珣鑿大穿於城下覆箔於上以土傳  
之楚兵迫城悉陷穿中死者數千楚人皆走珣等攻  
桂州丙寅吳懷恩引兵奄至城下希隱可瓊帥其衆  
夜斬關奔全州桂州遂潰懷恩因以兵畧定宜連  
梧州嚴富昭柳龔象等州南漢始盡有嶺南之地  
周廣順二年南漢夏五月南唐將張巒侯訓攻桂州晟  
遣兵擊之南唐師敗績通鑑唐主遣將李廷期圖朗

遣絃軍使侯訓將兵與巒合攻桂林南漢伏冬十二  
兵擊之大敗訓死巒收散卒數百奔歸全州

月湖南將王逵攻郴州潘崇徹大敗之通鑑王逵將

萬攻郴州南漢將潘崇徹救之遇逵于蠓石崇徹谷

高望湖南南兵曰疲而不整可破也縱擊大破之斬首

尸八十里

周廣順三年南漢晟有疾封其子五人爲王五代史晟

疾封其五

子繼興衛王璇興桂王慶興

荆王保興祥王崇興梅王

周世宗柴榮顯德元年春正月晟親耕籍田○交州稱

臣于晟五代史交州吳昌文立始稱臣於晟冬晟

殺其弟弘觀通鑑晟以高王弘觀爲雄武節度使鎮

誣弘觀謀作亂戊午晟遣其

泉宮使林延遇賜酖殺之

周顯德二年南漢夏四月晟殺其弟弘政通鑑晟殺禎

州節度使通

漢乾和十五年南漢冬十二月晟中書侍郎同平章事盧

膺卒○晟遣使脩貢于周通鑑周世宗屢敗南唐兵取江北地南唐王李景稱

臣晟聞之憂形於色遣使入貢于周為湖南所閉乃治戰船修武備既而縱酒酣飲日吾身得免幸矣何暇慮後

世哉

周顯德五年南漢乾和秋七月晟卒子繼興嗣更名

十六年劉鋹大寶元年五代史晟自言知星末年川食牛女間出書占之

鋹歎曰吾當之矣因為長夜之飲是秋卒年二十九

謚曰文武光聖明孝皇帝子鋹立○通鑑鋹年十六國事皆決於內侍龔澄樞陳延壽女侍中盧瓊仙等

臺省備位而已鋹號晟廟為中宗陵為昭陵

漢大寶二年秋鋹署鍾允章為尚書右丞參政事

通鑑鋹以允章藩府舊僚擢為尚書右丞參政事其委任之允章請誅亂法者數人以正綱紀鋹不能從

而惡之宦官聞冬十一月鋹祀天南郊○鋹殺其所署尚書

右丞鍾允章通鑑內侍監許彥真告允章欲作亂王清宮使龔澄樞內侍監李扎等共證之

乃收允章斬之宦者近二萬人貴顯用事之人大抵皆宦者也鋹建天華宮於羅浮

山宮在山之西蘇軾曰南漢主建有甘露羽蓋等亭雲華閣命中書舍人鍾有章作記初南漢主夢神

人指羅浮山之西去延祥寺西北有兩峯相疊一洞對流可以為宮訪之得其地則金沙洞也又夢金龍起於宮所遂改為黃龍洞此地即葛仙西庵

廣  
南  
海  
志

四  
九

君  
詩

